



洛陽九老祖龍學文集目錄



龍圖閣學士左諫議大夫上柱國范陽郡開國侯食邑二千五百戶賜紫金魚袋祖無擇撰



第一卷

古詩十一篇

書高辛氏廟



依韻和登州推官張同年之梁山

暮秋江上逢端州朱使君詩以申餞

落星寺

瀑布

遊真陽石室

景臣同年却无作亭於公居之池上予登而名

之曰夢草且賦詩以志焉

題仰山二十韻

陳郡袁陟字世弼奉和

途次金陵逢同年沈五判官

沈遜奉和

第二卷

七言四韻詩四十四首

和 御製賞花釣魚

九日陪舊叅政蔡侍郎宴潁州西湖

讀王元之後集題於卷末

寄獻 闕下一二知己

歷城郡治凝波亭

留題泰山孫復先生新居

試筆

監丞蕭君見貽嘉句仍惠芳醪強率鄙詞輒繼

高韻聊資道尔深愧斐然

寄泰山孫復

蕭五監丞新作堂成名曰雄且賦郡章題之屋

壁勉率蕪惡以繼高韻

贈牛仲容

張寺丞鳴玉亭書事

庚辰清明州衙不送新火

赴任南康將經九江游二林先寄交代閔屯田

送交代閔屯田赴闕

琵琶亭

南康春日

簡寂觀

右軍墨池

清明日與二三賓客賞花陳判官為推勘他州

事不預是會以詩抵予因次其韻醉之

秋日天平驛書事

濟上夜泊寄杜秘校

經劍池

送春長句呈李泰伯

送潘華陽

微子廟

寺有四絕一曰靈巖予以赴官獲此稅鞅因賦

拙句用誌其行

贈商水達尉同年

次韻和訓張旣秀才見寄

明水鎮水陸禪院

龍圖范給事以禪服向除修治瑩域就山築室

因爾書懷俾無擇總和謹次用其韻

田四秘丞通判鎮戎軍

官况

哭鄆州孔給事二首

夏州叛

寄澶州孫司理

送孟湘虞部赴闕

送劉進士遊邊

同年楊兄作尉焚道蕪領句稽之任賦七言四

韻詩以送之

宋嘉言雅善飛白一日書八字既予因成長句

謝之

送韓尉員外

題魏野園

誚王安石乞分司西京避諫而去因以述懷

第三卷

五言四韻詩四十二首

題三教圖通堂

馬上讀韓吏部集

至齊五月兩院獄空喜而成詠

抵後于清偶書四韻寄示幕中賓客

齋中即書事

羌先生廟

贈廬山崇勝珂長老

送丞澤上人歸寧富沙

酌江西運使齊工部見寄

遊韶石

吏隱宜春郡詩十首

題紀信廟

昇州保寧寺鳳凰亭

留題女郎臺

春郊即事

送李丞知京兆司錄

送宋寺丞通判邛州

秋日感懷

寄潁州元

舟次張澤阻風

寄題漢州西湖燕簡知郡馬屯田

寄千乘劉殿丞求字人編

寄信安判官張秘校

泗水

沈康赴江西掾

張唐民下第東歸

送人作尉臨潼

書懷寄呈萊州張學士

萬大博知惠州

送新州陳式虞部

送蓮房與馬屯田

題安成劉伯玉日新亭

寄成都詩人謝希濤

第四卷

絕句詩二十六首

秋晚寓目

鴛鴦

後池新柳

歷城春日對酒

戲別申之堂

汴水即事

澄清閣

贈江州李虛一司戶

劉仙石二首

交代屯田遠惠書問紙尾批示若就江州至軍

兼可腹背游覽廬阜因成拙句且荅佳意

將至南康道中

招二三僚友遊廬阜

遊柘賢

歌者李蕪

過渦河

馬上口占

登泰山簡同行

又遊靈巖

次韻酬陳判官見貽

周咸職方笑臺

感事

題蔡州壺仙觀

聚為九老自詠

遊蔡州東湖

詠蒲兒

第五卷

唱和詩一十五首

歐陽永叔送擇之赴陝府酌飲贈別

龍學次韻和

吳奎長文和

劉敞原父和

范鎮景仁和

江休復鄰幾和

梅堯臣聖俞和

龍學題袁州東湖盧肇石

宛陵梅堯臣聖俞和

樂安任大中和

廣陵蕭亢宗和

所江李恭伯題袁州東湖樂遊堂呈 龍學

龍學

又題袁州宜春臺再呈 龍學

龍學和題東湖

又和題宜春臺

第六卷

唱和詩三十九首

題尚書余襄公西園

尚書余襄公謝 都運擇之見訪西園

題余尚書山居要術

七

尚書余襄公答 都運擇之借山居要術

袁州慶豐堂十開詠十首

袁州通判陳洗和十首

江西運使閻珣謝擇之學士惠示吏隱宜春郡

十詩因成五十六言奉答

龍學和閻運使以詩見獎吏隱宜春郡詩

李恭伯送春絕句一首呈 龍學

龍學和

所江李恭伯送春絕句二首寄呈 龍學

龍學和二首

龍學九日登袁州宜春臺

鄉貢進士直學宋摠和
 鄉貢進士教諭羅誘和
 詠震山嚴彭徵君釣臺
 通判陳佚和
 京兆章友宜和
 盱江李恭伯和

第七卷

長書并記書一記九

上安撫張雜端書荐孫復牛仲容
 蔡州新建學記
 京東路轉運使廳名記

京東路轉運使廳刻獎諭勅記
 申申堂記
 知雄堂記
 柳州學記
 袁州慶豐堂記
 唐韓文公廟記
 袁州東湖記

第八卷

序七篇

刻經劾方序
 群公送潘君秘校赴潁上詩序

河南穆公集序

李泰伯退居類藁序

連席秀才字序

進士魏舜元字序

題宜春臺詩序

第九卷

書并神道碑銘墓表祭文

與張郎中書

宋故贈尚書工部侍郎清河張君神道碑銘

宋故朝奉郎守司農少卿致仕累贈銀青光祿

大夫潁川陳君神道碑銘

九

第十卷

雜文

歐陽文忠公除吏部侍郎告詞

為病設醮青詞

進士策問三道

與盱江李泰伯五啟

謁袁州 仰山廟祝文

祈雨祝文

謝雨祝文

秋祭祝文

春祭祝文

祭韓文公祝文

祭鄭都官祝文

鼎州桃源觀題名

堵田 仰山新廟題名

起知光州到任表

第十一卷

名臣賢士詩一十六首附

司馬溫公送 龍學守陝

梅聖俞再詠送 龍學赴陝府

十

王荆公和 龍學登紫微閣二首

梅聖俞送 龍學北使

司馬溫公晚春病起詩呈 龍學

朝議大夫上柱國致仕張徽聞 龍學平昔魯

遊潁州西湖有詩以寄之

張徽又送 龍學和寄黃元之郎中詩

司馬溫公送 龍學分司西京御史臺

康節先生邵雍字堯夫和 龍學詩

邵康節又謝 龍學詩

又寄 龍學詩

曹司勛詩呈 恩府 龍學

浙江李泰伯題袁州東湖呈龍學
再呈

李泰伯寄龍學

第十二卷

名臣賢士文九篇附

歐陽文忠公回答龍學手書

歐陽文忠公又手書上龍學

王荆公手書上龍學求教

王荆公又手書回答龍學

鄭內翰解行應奉

山陵加食邑恩告詞

上

李泰伯寄龍學長篇

龍學修袁州學記

袁州教授童宗說字夢弼春祭

祖龍學

張尚書字定叟重修袁州州學舍萊祭

祖龍學

第十三卷

係家集

祖仙傳

楚山道人蘇覺尹道跋

洛陽王濯跋

祥符李平仲跋

河南席登跋

海陵查籛元章跋

宜都燕居軒菖山續感跋

高平范炳文跋

安陸連鑿題

東萊蔡武予跋

第十四卷

係家集

狀元紫微始末

起居舍人誥詞

十二

紫微撰西齋話記

第十五卷

係家集

紫微撰翊衛雄勇功臣呼必題告詞加食邑

紫微撰推忠協謀守正佐理功臣向文簡神道

碑銘

紫微撰文正李相魏國太夫人符氏墓誌

第十六卷

係家集

提刑始末

祖氏先塋芝草記

賜提刑 勅書一十四件

提刑跋韓熙載夜宴圖

提刑子德恭詩三首

洛陽九老祖龍學文集目錄

十三

洛陽九老祖龍學文集卷第一

古詩十一篇

書高辛氏廟

平昔叙星辰元功祀事分因人列官紀行道亞皇墳高
 躅追顓頊嶽聲壓放勛淳風今不競帝典世無聞陵古
 森喬木祠新際遠氛樵蕪當季運血食屬明君開寶六年勅建
 是廟舊壤資麻廕遺黎薦苾芬春秋奏簫鼓疑是天英文

依韻和登州推官張同年之梁山

峻極軋蒼々班移自混茫勢臨坤軸斷根入海濤殫屹
 立踰千仞孤標冠四荒興雲山近泰出日谷連暘絕憤
 于斯勝煩襟到此涼山經終寂々祀典謾煌々山海經不載此



山秦祠八神五曰陽即此山也巖黑驪龍睡煙清朱鳳翔藏書陋群玉

中瑟小空桑宣桑山村禹載無遺跡秦碑有舊章乘輿

曾直上鞭石宛居傍在昔初遷鼎當時異省方縱心師

誕妄恃力逞彊梁儒學微言絕神仙恠說彰錫符尊德

水苗識著吾裳豈念思王度惟期至帝鄉齋男何杳

秩祝自琅：詎得三山藥翻同一國狂八神寧尔福二

世果斯止始禍聞陳涉遺書見子長龍興成大定虎噬

免交攘往事真塗炭寒心劇刺迭自從茲滅國誰復此

祠陽冤毒疑淪髓凋殘競沐瘡鑿宜觀夏后道合慕陶

唐聖世踰三代明君掩百王朝廷隆盛禮簡冊耀休光

運契千齡統歌喧云達莊古今稱治理夷夏共瞻望洪

化周無外群生洽太康東民休望幸端拱德芬芳

暮秋江上逢端州朱使君詩以申餞

御選

奕葉清茶遠夫君素履恆人皆推世德我亦愛鄉材新

命一麾守長途萬里來画船江雨暗紅旆海風開服頌

先聲決編毗美化談此行真邂逅幾日共泓洄去矣瞻

仙棹依然對酒杯前程如見憶為寄早春梅

南康落星寺

金碧共玲瓏樓臺浩渺中雨花僧講盛星石寺峯雄巖

岫廬峯對波瀾蠡澤通微紅看海日遠綠認江楓鷗鳥

機心息潮音梵唱同人間群玉府寺有太宗皇帝御製御書物外廣

寒宮雲袖承多壞塵襟到自空扁舟五湖客長此伴支

公

廬山瀑布

絕嶽千尋勢飛泉萬疊痕寒光涵玉岫靈派折琤源峭
壁河流立蒼崖井浪翻猿悲經樹急龍駭落潭渾渾氣爽
諸峰秀聲和衆籟喧功成身退日期此漡中園

遊真陽石室

皇祐元年十一月丙申任廣東
提刑日所作有石刻在英州

昔讀到難篇乃聞真陽室亦嘗惟斯人稱道或浮寔邈
在數千里莫覲烟霞質青山有獨徃吾志久已必如何
駭俗駕尚此紆朝紱謬分南顧憂惟刑在欽卹孤宦雖
云遠勝踐其敢失行訪雲巖草樹披蒙密呀然一穴
開勢欲吞朝日嵐光展障展乳溜龍蛇屈溪流自清泚

十五

松韻何蕭瑟酌酒飲遊客謂言此可述周生誠不誣所
紀窮纖悉惜哉非吾土無由寄蓬華平生丘壑心與道
共湮鬱難進而易退終當守儒術唐周夔作到難篇謂
此祠離長安遠故
到者
難也

景臣同年却兄作亭于公居之池上予登而名
之曰夢草且賦詩以志焉

高宗新御諱俯漣漪名標謝客詩寔明溪雨過檻靜竹風吹
賀厦應容燕巢蓮亦許龜何人倦漂泊此地好追隨兀
兀乘籃輦厭、倒接籬秋芳正堪賞樽酒莫過時

題仰山二十韻一作劉翕

維南斗牛下萬仞聳崔嵬日上光先占江盤勢却回一

御選

方蒙雨露幾處對樓臺不逐秦鞭去曾經禹載來雲生
峰慘淡水津谷喧阗險外烟嵐變深中洞府開巖花春
灼爍溪鳥暖毳毼飛瀑會清籟爭龍走疾雷平川蕭廟
闕半腹鄧壇推精蘊瑤瑰宝部鍾杞梓材僧軒宜薜荔
樵徑怯莓苔旁晚龍舟摘前瞻庾嶺梅仙經饒地肺賦
筆讓天台神物多靈貺農田少旱灾隱君須獨行吟咏
亦難才何客能依止伊予語敢哉一麾成繫滯四友阻
遊陪未脫紅塵累徒嗟白髮催夢頻生枕席賞每倒尊
罍預恐瓜時代因歸作醉媒

陳郡袁陟世弼奉和

客意正索寞詩簡江際來一聞清玉韻如見翠屏開礪

十六

礪霄漢外騰凌鸞鳳迴仙源朝露蔽乳竇夜風飈九月
已冰霰三時無冷炎徒均南畝澤應老鄧林材岌聳
天柱巖、尊國台高名皆禍爾真賞豈然哉紫蓋歌松
蔓青錢點石苔神虬潛天矯皓鶴舞毼毼采藥蕃芝朮
尋花有杏梅丹臺今宵、蒼壁古嵬、絕頂飛泉落半
崖枯栢推勢堪卑蔣霍名不假劉雷釋子安生計幽人
足隱媒雲中認旛刹溪上醉觥罍葦戶方窮阮蓋軒阻
奉陪耳愁塵事入心怯歲華催已作五噫咏元非三傑
才先將丘壑意模寫寄春臺

途次金陵逢同年沈五判官

數載天涯別年來不定居扁舟忽相值孤抱信何如公

御選

幹猶多病述春孝先仍懶書謂人生從坎壈客意且躊躇
淡薄市橋酒鮮肥江岬魚可來同飲食勿嘆此蕭疎

沈遜奉和

一自曾經別于今嘆索居善交思柳惠多病是相如官
下頻無况天涯每得書舊懷長惋嘆此會合踟躕曉露
生蘭苑秋風動鱸魚蕭然林野性與世轉為疎

御選

洛陽九老祖龍學文集卷第一

洛陽九老祖龍學文集卷第二

七言四韻詩四十四首

和

御製賞花釣魚時為中書舍人

禁籞春深御幄開鳴鞘曉出五雲來花會瑞色三危露
酒湛晴光萬壽杯香餌得魚波滉漾仙音儀鳳日徘徊
微臣叨竊逢辰幸特索甘泉此從陪

九日陪舊叅政蔡侍郎宴潁州西湖

秋晚西湖勝槩多台軒未此駐鳴珂沙鷗散去驚絲竹
烟柳低垂閒綺羅亂柳金錢和露菊狂搖鈿扇倚風荷
下僚幸接曹尊末率爾翻成擊箸歌

讀王元之後集題于卷末 其集三卷皆出黃州後所作詩

提筆幾回書誥命剖符長是守方州未能抗表分司去

五開詩又題云何當終老為郎謫官休歌舞嬾呼寒食

婚嫁了抗表請分司歌舞嬾呼 醉吟孤坐月波樓月波

節寒食燕郡客詩云歌舞嬾呼 醉吟孤坐月波樓月波

詩獨酌詩云孤吟獨酌送文章獨步成何事 王禹偁文

草獨步異日接邊白鳥馴 文章獨步成何事 王禹偁文

垂名不朽 空有離騷寄隱憂

寄獻 闕下一二知己

公道當朝絕比倫因凭暖筆變孤根絲衝霰雪遊梁苑

便逐風雷化禹門南郡已甘拋絳帳東州何幸佐朱旂

心懷象魏身江海兩地悠悠欲斷魂

歷城郡治凝波亭 齊州

六

耽：層 高宗廟諱 俯清漣山色波光曉共鮮形勝增雄齊十

二風流素盛客三千鋪舒柳影眠鷗渚欺壓蓮香載妓

船公退每來須度日塵纓未濯媿潺湲

留題泰山孫復先生新居

築室新成日觀前亂雲重疊稱高眠人逢捫蝨驚旁若

衆望乘駒詠賁然名理靜談誰投塵古書聞校自磨鉛

行聞天子東巡狩羽葆親臨此禮賢

試筆

濟南通守欲幾年最課無成媿古賢却為簿書拋筆硯

每思樵釣負林泉浮名自信雖徒爾薄俸相拘且勉旃

已共妻孥約生計會須搔首賦歸田

限世向仙真

且尾學集

卷二

監丞蕭君見貽嘉句仍惠芳醪強率鄙詞輒繼

高韻聊資道爾深媿斐然

選日和風婉婉春感時情思浩無津煩君遠寄中山酒
顧我方為洛社人濡筆便思題素扇當尊難借吐芳茵
已欽才妙兼懷惠相遇文場願捧輪

寄泰山孫復即明復也

先生心與白雲閑五十年秋風髮不斑自有清名滿天下
更無塵跡到人間朱金樂外非攸好貪懦聞風合厚顏
不待高吟見招隱見收餘俸買青山

蕭五監丞新作堂成名曰知雄且賦彫章題之

屋壁勉率蕪惡以繼高韻

十九

况堂佳號塵游外題壁新吟蒸思春朴素自持師老氏
清醒常戒鑿靈均窮通一致由知命恬智相須合入神
因覽君詩我顏厚不能假日樂天真

贈牛仲容

吾君所食念邊陲天下英雄待聘時仁義未行真處士
功名不立豈男兒卧龍誰識南陽隱失馬何勞北叟悲
生嘗未荐 濟南不利 莫向林泉賦長往秋風吹子髮毛衰

張寺丞鳴玉亭書事

為憐瀟洒近城闈未往何曾問主人列岫曉昏雲郁
流泉秋淨石粼粼陸機詩就伏招隱班固文成正答賓
愁見西峰日將暮却驅羸馬入埃塵

庚辰清明州衙不送新火

禁烟故事存遺俗改火平時有舊章
縱道齊民皆按堵堪驚烜氏味修方
晨炊已絕供賓饌缺此一句
不似前年為客日富鄰猶許借餘光

赴任南康將經九江游二林先寄交代閔屯田

平生山水有心期今得軍麾慰所思
我欲因行訪蓮社君應未訖過瓜時
若逢勝槩終朝住兼領閒僧到處隨
莫遣迎新吏人至雲間泉畔不相宜

訖疑當作許

送交代閔屯田赴闕

謝公雅尚庶侯政蕪得如君不可加
自有袴襦歌道路長驅旌旆訪煙霞
林僧解誦松牕句廳吏能封竹檻花

廿

今日北轅堪健羨清風留與後人誇

君僧房曲詩公庭種花甚多

琵琶亭

晚泊湓江半客舟琵琶亭下動閑愁
霓裳綠么杳何許楓葉荻花空自秋
賈傳有才悲鵬鳥楚騷終古怨靈修
莫言司馬青衫濕今日行人亦涕流

南康春日

慙媿東風破臘來一尊清聖為君開
無方可使朱顏駐有客相逢白眼迴
老大漸能知世態踈慵那復計身媒
遙憐伊洛水應泮芳草還荒舊釣臺

簡寂觀

觀即陸修靜先生所居名即先生之謚号焉

順風曾屈帝王尊身後高名與現存
石室深居廣成子

布囊薄矣楊王孫流塵幕凝丹灶清吹徐觸絳幡
牢落空山門畫掩羽人亦說絕鷲煩梁沈旋碑云止煩
曰簡遠鷲在寂即
義表名也

右軍墨池

羗廬峯下歸宗寺曾是當年內史居繭紙世傳遺迹後
墨池人記作書初秋毫幾老崇山免舊法空現得水魚
筆勢圖云先取崇山絕谷中兔毛人九月收之又
用筆法云送脚似遊魚得水合頭若景山與雲也珍重
僧家能好事朱闌碧甃壯庭除

清明日與二三賓客賞花陳判官為推勘他州
事不預是會以詩抵予因次其韻酌之

寒食春光正好誇小筵應免負芳華清談且喜交揮麈

賭酒何須要畫蛇潑火雨餘微綠潤落花風急亂紅斜
幕中有客應惆悵今日全輸太守家

秋日天平驛書事

孤館無人慰寂寥感時情抱楚旌搖縱橫著物秋散起
早晚連空殺氣消衰髮已同潘騎省壯心猶羨霍嫖姚
誓江義勇吾家事不得提戈靜虜妖

濟上夜泊寄杜秘校

十幅蒲帆一竹篙隨流逐浪我心勞幾程烟水秋光遠
半夜星河天氣高正想黃陂何水秋、可憐禹瀆更滔、
猶欣明發諧相見願奉清言散鬱陶

經劍池皇祐元年八月晦日題時以
秘書丞為廣東提刑經過

巧冶何年百煉金
荆鍾芒刃此湮沉
氣衝牛斗雖難掩
鑿遇張雷始見尋
恍惚莫窮神物遠
波瀾空在曲池深
鉛刀也強思磨拭
悵望西山與華陰

送春長句呈李恭伯時在袁州

盡日臨風把酒卮
宜春臺上送春歸
已看綠樹陰靜
猶有殘花帖飛
歲月任從隨手過
功名未必與心違
我緣客宦無常處
後會如今亦恐稀

送潘華陽

河陽苗裔有英翹
年少聲名動帝朝
月桂我欣同賜第
澗松人借此沉僚
金牛開道秦川險
策馬來賓漢使遙
想到刀州遇知己
便從平地上烟霄

廿二

微子廟

億兆夷人困獨夫
惟君先見得良圖
為仁始欲扶商祚
去國終能啟宋都
錢鑽豈甘因諫死
髡鉗仍免作官奴
千年廟食應無愧
知退知止即聖徒

寺有四絕 一曰靈巖 予以赴官獲此稅鞅因賦
拙句用誌其行

常想靈蹤得到難
因回征轡此盤桓
松風逗磬僧齋冷
石水環堂客夢寒
聖作自同堯典布
寺有偃蓋松白鶴
御製古碑猶是魏
朝刊最憐山色當
樓好欲去重来一
御書 凭闌

贈商水連尉同年

場屋相知最有情去年同試便同榮
神仙名籍輸梅福典冊文章滯馬卿
泣玉泪收休積恨擲金詞在藹新
穀公卿好致歸臺閣莫遣徒勞浩嘆生

次韻和訓張執秀才見寄

傾蓋相知分不同遠凭郵置枉緘封
題評祇益頓更品刻畫何曾補陋容
綠服侍行君得意朱轡假守我勞悰
予方推領郡事論文未遂西齋約早晚
重親太携鋒

明水鎮水陸禪院

誰卜精藍若画屏四邊山色與泉聲
野僧憎見心應樂俗客偷來骨亦清
晚吹乍回香篆破曉雲纔散蟪蛄燈
明吏人莫恠徘徊久自得閑情減宦情

廿三

龍圖范給事以禪服向除修治堽域就山築室

因爾書懷俾無擇繼和謹次用其韻

采、咳蘭負養親幾思定省泣晨昏
三年已畢先王制盡日將承聖主恩
名遂自同周柱史諫違誰記魯臧孫
考槃在澗雖云樂祗恐泥書到遠村

田四秘丞通判鎮戎軍

身紆苜蓿綬朝章貴手把芝函帝命新
方朔上書曾自荐初奚外舉果知人
公前年應運籌決勝科今為侍讀李
侍郎保任被召試策入等遂領此命
往西北用兵運籌暫逐征西將侍橐
看歸拱北辰我亦潛心禦戎策羨君
抗旆擁朱輪

官况

物態無端固盡語自為俗吏欠清譚豈憂官况全蕭索
祇畏人言足二三王勒已辜尋晚陌錦鱗猶憶釣秋潭
公餘自遂踈慵性從道嵇康七不堪

哭鄆州孔給事二首

出入多年侍紫宸封章頻上觸龍鱗
杼投幾見疑慈母檻折終聞記直臣
闕里忽驚歌曳杖洛陽那復見埋輪
師門一慟盈襟泪痛為明時惜正人
聖孫家世嗣衣纓夫子當朝有令名
許國志堅存亮直致君心切贊隆^隆平
明庭抗疏忠言在列郡班條惠化行
不享永年兼大用終天遺恨負蒼生

夏州叛

羌虜奸誅軫聖憂出師十萬擁貔貅
朝廷命將詩書府廊廟論兵帷幄籌
舜后舞干期振旅漢臣投筆待封侯
宣王六月存周雅願斷徽教頌國猷

寄澶州孫司理

明道二年同夏課四人兩舉盡登科
孤寒惟子辛勤甚虛薄伊余忝竒多
官路驅馳今各自名場出處舊相過
感今懷舊無慘賴不覺臨風發浩歌

送孟湘虞部赴闕

科名拾芥職三虞落_、雄才與眾殊
為政人驚今遂霸論兵自比古孫吳
倚廬已見因心著_{公近居先大夫喪哀毀過制}結
綬還陪辨色趨不似馮唐空白首
漢皇今正渴嘉謨

送劉進士遊邊

朔風動地雪花明去々從知指戍城場藿失縻千里驥
食魚翻嗜五侯鯖征途望斷河水合旅館吟殘海月生
且共淹留話離索一尊濁酒為君傾

同年楊兄作尉焚道兼領勾稽之任賦七言四

韻詩以送之

縣城荒僻民居少吏事全稀似隱淪且喜桑郊接鄉樹
莫嗟藍綬染京塵鸞姿豈合淹仇覽仙骨應難滯子真
好在公餘頻寄問我方江上學垂綸

宋嘉言雅善飛白一日書八字貺予因成長句

謝之

廿五

輕如游霧重如雲學到精微妙入神奇迹昔年傳聖帚
高名他日壓烏巾誇呈朋友防求副畱教兒孫恐失真
天子清閒好揮翰似君須合侍嚴宸

送韓尉員外

幾年獻賦向公車四十方為冉冉趨昔競寸陰終蹭蹬
今貧斗粟尚踟躕潘郎毛髮看將白陶令田園說已蕪
官滿還歸省門下預應搔首重長吁

題魏野園 陝府

曉日東郊扣隱扉曠々初日弄朱旗黃稍風舞先生柳
紫頰霜殷鳥閑切赤黑色也大谷梨粉艷清歌穿邃閣
碧溪寒韻落幽池我來載酒山翁醉且喜秋香菊滿籬

謂王安石乞分司西京避諫而去因以述懷
 割斷攀緣宰相權憂危爭似我身全試觀竿上拋生體
 且擬波中戲釣舫名利不求還獨樂是非莫辯祇高眠
 何當對景幽堂坐更得閑吟度百年

洛陽九老祖龍學文集卷第二

洛陽九老祖龍學文集卷第三

五言四韻詩四十二首

題三教圓通堂

其堂在蔡州開元寺內龍學時知制誥

師本佛之徒潛心老與儒一堂何所像三教此烏俱香
 火長相續丹青久不渝高賢旌好事二記聳龜跌

馬上讀韓吏部集

驅羸勸遠征尺箠亦慵擎却得開編看仍教緹轡行儒
 推文暢行詩許孟郊鳴盡日既遺味渾如挹大羹

至齊五月兩院獄空喜而成咏

厭預鈴齋議欣聞獄犴空三章用舊制五月紹遺風止
 繫垂衣治非千別駕功惟期四海內刑厝與周同

眠後于清偶書四韻寄示幕中賓客

經旬一水涓風土化緇衣豈敢嗟于役何當賦式微雲
山晴特秀花木暖相輝期子同携手春游事勿違

齋中即書事南事

軍壘無多事朝晡且放衙吏人如野鹿公署似僧家京
信因求藥賓惟為鬪茶忘懷塵俗外枕籍祇南華

美先生廟

先生高世跡舊隱白雲深結宇知何代遺祠直至今地
分壇杏影門接社蓮陰我亦希風者終朝託玉岑

贈廬山崇勝珂長老

珂也僧中秀曹溪得祖衣雲泉聊適性併錫遂忘歸九

廿七

月秋風老千山暮雨霏我來陪靜話相對兩無機

送承澤上人歸寧富沙

五老峯前見過役一歲餘還將隨客棹歸去侍親輿乞
食江雲際寧吟臘雪初祇應清夜夢時復到荒廬

酬江西運使齊工部見寄

龍坂彌年別長茲仰道風夢曾瞻使節喜忽得詩筒詞
蒸春林秀恩私地鎮崇因將示知者傳誦滿江東

游韶石

純音何寂寞秀色自崔嵬巖草遺簫在溪禽學鳳來余
希探禹穴人似畏軒臺登眺秋風裡煩襟盡日開

吏隱宜春郡詩十首

以太常博士直書賢院皇祐五年知袁州

其一
吏隱宜春郡年豐獄訟稀餘糧委南畝茂草滿園扉天
意憐艱食民心恥盡衣萬家行樂處車馬有光輝

其二
吏隱宜春郡溪山若画圖織鱗時自躍幽鳥靜相呼曉
浪噴寒雨晴嵐鏤綠蕪漁樵本吾事搔首重踟躕

其三
吏隱宜春郡追惟二相賢房瑄李德裕節明天寶日紫茂會
昌年友善曾何累朋誣亦自煎瑄坐与李適之韋堅等善貶宜春太守德裕為
王潘李漢等所誣不才非不幸異代若差肩

其四
共

吏隱宜春郡閑思應舉時端居若貧賤徒步入京師誤
寵乘軒鶴釣憂入庙犧功名在何許双鬢已垂絲

其五
吏隱宜春郡鄉園去路賒間闌成客宦荏苒度年華出
水魚吞餌辭山鳳在笈誰言千里隔夜、夢吾家

其六
吏隱宜春郡同僚得俊髦純音等疏越餘力劇豪曹器
識青雲遠歌詞白雪高遂令遷客意不復賦離騷

其七
吏隱宜春郡山城少客過靜中窺物理閑外養天和春
暖尋花塢霽涼玩月波將迎者誰子勞逸兩如何

其八

吏隱宜春郡放懷詩酒間未能慙下俚幾欲效中山杜
甫藩籬窄元稹論杜李之優劣六李尚不能歷其藩籬况堂奧乎劉伶幕帶慳高
吟與沉醉榮辱詎相關

其九

吏隱宜春郡窮通嬾更占矜名遭巧譖晦跡喜深潛昔
慕狂為聖今師智養恬優游無一事不覺歲時淹

其十

吏隱宜春郡素飡誠有餘政殺慙遂霸文蒸謝嚴徐使
節分銅虎仙廬秘石梁君恩殊未報不敢治歸欤

題紀信廟

十九

漢祖臨危日將軍獨奪功一身雖是詐萬古盡言忠樹
老風殺澀天寒景色空我來觀廟貌無語對村翁

昇州保寧寺鳳凰亭

臺舊有亭中廢已久今長老承奉建此

鳳臺雖舊址亭榭新開荆棘榛蕪去江山氣象未聖
君虞氏化賢守次公才遲雨離丹穴飛止此臺時尤

起居鎮金陵

留題女郎臺

女郎臺上寺影蘸湖光夜梵星辰近晨齋鳥雀忙烟
滋楊柳綠風送芰荷香欲下還慵去憑闌到夕陽

春郊即事

東方驅曉騎南畝勸春耕試與牧童語因知林鳥名雨

前茶正小社後酒猶清可咲豚蹄祝篝車望豈輕

送李承知京兆司錄

終從知己荐

公近以知己慰荐改官

又應辟書行

今知府天章孫待制辟公領是

任廷尉官聯重軍謀職任清華岩東野秀紫閣晚峯橫

盡是供吟處歸應新集成

送宋寺丞通判邛州

半刺侯藩重臨邛驛路賒將經灞陵樹先看洛陽花土
物張霧竹民封卓氏家為君傷遠日日斷褒斜

秋日感懷

多病多愁客新秋百感生異鄉違土性孤宦見人情案
厭面灯讀田思帶雨耕不堪臨曉鑑潘髮二毛成

卅

寄穎州兄

川陸一千里炎涼六十旬意通書信少思入夢魂頻身
外官情薄眼前人事新穎州稅兄無見念憂道不憂貧

舟次張澤阻風

舟楫雖佳興風波即畏途我心何所惧世路此無殊銜
尾千艘泊爭頭萬恠趨飄然不終日揮手謝淳漉

寄題漢州西湖兼簡知郡馬屯田

房相苗遺愛清風湖水長人思浴池鳳誰識濟川航白
雪徽音遠太尉喜洪鈞道化光還聞繼高躅新有召公

崇

寄千乘劉殿丞求字人編

千乘劉夫子高名繼謫仙從居庇身邑已著字人編才
入鍾嶸品文期鄭氏箋何當求副本長願播乾弦

寄信安判官張秘校

蓮幕從軍客蓬仙與挾人才章過鮑謝交契敵雷陳婉
婉謀畫暇翻書間頻徒知感高義猶阻奉清塵

泗水

紀地復涵虛清疑顯氣俱東家遺教遠夏后建功殊冷
色平吞魯長波迥勝吳闕二句

沈康赴江西掾

高譽冠時英人皆倒屣迎決科材尚屈掌獄職仍輕滕
閣吟登健吳山醉望清公餘如訪古一為問豐城

世

張唐民下第東歸

學古功非淺干時命尚遲拾青辜壯志垂白念慈親歸
路天同遠生涯州自貧吾知君道闕

送人作尉臨潼

年少文能老新曾射策來從橫傳古學慷慨濟時才黃
綬官徒爾青雲志在哉他年歸會課遲子出塵埃

書懷寄呈萊州張學士

從作東齊吏經年寡往來朱顏隨日減青眼為山開學
政慙能政論材信不材何人慰孤寂知己在蓬萊累辱書問

萬太傅知惠州

惠州君未到聽我送君吟去路九韶石鄰封八桂林下
車秋色老望闕海雲深善政多餘暇無忘惠好音

送新州陳式虞部

大庾嶺南郡新與事若何還珠合浦近辟惡密香多生
聖天如覆時平海不波更逢賢太守應有袴襦歌

送蓮房與馬屯田

問遺不必貴要之資闕如蓮房三百枚未掇亦云初持
以侑尊酒甘香即有餘野老獻芹意今予其有諸

題安成劉伯玉日新亭

積善家餘慶日新亭可云詩書盈几有道藝喜時聞兒
姪既登學晨昏在克勤欲知榮地力此便是青雲

寄成都詩人謝希濤

常聞游蜀客來說謝希濤氣稟江山秀名因翰墨高新
詩未句遠去歲得詩三十首密意念空勞拙句聊相贈應煩報

錯刀

祖龍學

集

十六卷

洛陽九老祖龍學文集卷第三

洛陽九老祖龍學文集卷第四

絕句詩二十六首

秋曉寓目

梧桐冷墜春宮井
沉澹光浮漢苑槃
倚杵遠天垂六幕
照梁初日上三竿

鷓鴣

水宿雲飛無定期
雄雌兩、鎮相隨
到頭不會天何意
却使人生有別離

後池新柳

客來莫怪寡心情
俗吏喧嘩不喜聽
多感後池楊柳眼
一回相對一回青

歷城春日對酒

數尺游絲拂面來
數枝紅杏向人開
眼前信美非吾土
且勸春風酒一杯

戲別申申堂

翠柳和烟籠碧沼
紅芳如火照諸鄰
主公欲去寧無戀
倚翠隈紅屬後人

汴水即事

波狂如箭雨如絲
汎汎扁舟瞥鳥飛
睡起嘔啞^啞乍鳴櫓
却思村舍聽鄰機

澄清閣在楚州

范滂雅志在澄清
今日廉車命閣名
華榜高標雖具美

柰何長是困蒼生

贈江州李虛一司戶

官况蕭條三語掾
地居卑濕九江城
曾聞午夜開宣室
早晚君王召賈生

劉仙石在江州太平興國觀

神仙不死石長存
萬古千秋表洞門
人欲求真好修煉
莫徒將杖叩苔痕

又

走機莫問君平肆
取履誰修黃石祠
深洞自開人不見
何須惆悵憶當時

交代屯田遠惠書問紙尾批示若就江州至軍

兼可腹背游覽廬阜因成拙句且荅佳意
廬山在境好行君猶恨奇峰屬半隣腹背徧遊煩示諭
即當先謁樂天真

將至南康道中

湓江輟棹整駉駉松路揚鞭入翠微好是近郊人候望
紛：羽服與田衣

招二三僚友游廬阜

雨餘廬阜連天碧公退鈴齋盡日閑為報二三佳客道
速須蠲屐共登山

遊栖賢

偷得沉迷簿領身暫來林下訪幽人雲泉滿眼慵歸去

廿五

便擬拋官學隱淪

歌者李蘇齊州

歌妙累：若貫珠歷城惟祗數蘇：何當更唱陽春曲
為爾今宵倒玉壺

過渦河

揚鞭策羸馬橋上一裴回欲擬臨渦賦慙無八斗才昔曹子建臨渦作賦書于鞭上

馬上口占

前年躡屩念歸欵今日乘軒類使乎千里班春憂寄重
自慙翻屬箇非夫

登泰山簡周行

日：塵中眼不開暫登蒼翠喜游陪莫辭辛苦經難險
大有人生不到來

又游靈巖

紅塵滿馬三回到青嶂迎人萬疊開却被野僧相顧咲
區、還是舊時來

次韻醉陳判官見貽

一篇為惠枉瑤封疑得仙文自藥宮始信夫君才力大
居然天地入形籠

周成職方笑臺

賈生太息唐衢哭感事傷時可奈何爭似君當堯舜日
臺頭大笑樂天和

感事

東家木鐸德音遠西竺金人像教來禮樂不與王道絕
吾民何日遂康哉

題蔡州壺仙觀

詠學四月八日遊蔡人每歲于
城北十里許有仙榆
數十株亦名大木觀

鴛老花殘過禁烟杖藜閒步到壺仙、家本是無塵地
別有風光一洞天費長房懸壺之地

聚為九老自詠

龍學因分司西京御史臺與司馬溫公九人
為真率會謂之九老

科名高獻玉塔前歷任公卿四十年休道老夫無事業

兩扶紅日上青天

英宗皇帝即位龍學充皇帝即位契丹使神宗皇帝即位

題蔡州東湖

夕陽水底霞鋪錦清夜波心月湧金此是東湖最佳處
無人未伴水仙吟

詠繭兒

千絲萬縷自經營本為藏身却誤身待得功成歸鼎鑊
不知輕暖屬他人

洛陽九老祖龍學文集卷第四

洛陽九老祖龍學文集卷第五

唱和詩一十五首

歐陽修永叔送

龍學赴陝府酌飲贈別

明日君當千里行今朝始共一樽酒豈惟明日難重持
試思此會何嘗有京師九衢十二門車馬煌煌事奔走
花開誰得屢相過盞到莫辭頻舉手歡情冥落酒量減
置我不須論老朽奈何公等氣方豪雲夢正當吞八九
擇之教名重當世少也多奇晚方偶西州政事藹風謠
右掖文章煥星斗待君歸日我何為手把鋤犁汝陰叟

龍學次韻和

前日西行別翰林為我開尊飲之酒高冠滿坐皆賢豪
談咲喧呼時各有自慙流落疏游陪十載江湖成浪走
主人名重開四夷典冊高文推大手發揮六藝無遺精
攷黜百家如拉朽顧我昏冥聞道曉代謝春秋四十九
當年擊節做金注此日強顏同木偶事功未省成尺寸
廩祿惟思校升斗會須歸去老東坡鼓腹含飴逐堯叟

吳奎長文和

陝郡太守來告別翰林主人為置酒急喚尋常詩酒伴
要誇此會為難有席間騁辯何快哉恰似縱九臨坂走
詼諧往笑絕倒同異時暝掉手共憐奇偉出塵冥
却欲昏愚浪枯朽從來豪舉必無包擊節齊侯容九

廿八

我寔鄙鈍不曉事賢公采取寧非偶擇之文行眾所珍
昔日乘槎犯牛斗年将老矣又分符莫遣安排用莊叟

劉敞原父和

驪駒在門且勿喧主人留客姑進酒一時轉眄已陳跡
千里相望更何有祖侯毅名二十年天下英豪共奔走
誰云白髮寄郎曹更喜朱轡入吾手楊雄天祿就寂寞
召伯甘棠變枯朽乃知人事不如意自古十常有八九
男兒何曾計出處時運由來有奇偶莫嫌青雲晚著鞭
會取黃金大如斗君能日飲和天倪餘事無何付北叟

范鎮景仁和

史君分陝惜別難緩聽長吟速行酒荆山北面黃河南

千里封疆為已有往來無窮西復東
衣之輪蹄利名走甘棠雖云勿剪伐
未必從前不傷手當時遺愛安在哉
賴有穀詩傳不朽擇之才刃如新
矧歷年何啻十有九胸中蘊蓄富
術業此行直欲古人偶近世只知
厨傳為不顧虛名似箕斗寄言道
路如來詩但問樵夫與田叟

江休復鄰幾和

西掖門外駐征軒修書院中傾別酒
諸公磊落方具來顧我衰遲亦何有
祖侯銜使才北歸亟請甘棠復西走
函閔候吏竊引領翰林主人惜分手
高談抵掌華屋頭賦咏題詩樂難朽
飛觴舉白至無筭擊楫誓清不殫九
著鞭壯士寧後時隱几先生仍喪偶
擇之去冬悼止定國能飲

廿九

動論石山公雅望潛增斗紛
醉袂影就判帛帳高陽
一狂叟

梅堯臣聖俞和

古人相送贈以言今人相送舉以酒
行慙慙意豈疎酒能躊躇悲更有
行當何之來者誰陝州兵吏爭迎走
壺漿往來過函閔翰林惜別方携手
自言老夫過知難願得公詩為不朽
公因索筆作長謡落寓言誠十九
我慙竹管厠官懸緹合律度應亦偶
太守西行已不貪忽獲明珠盈大斗
歸立螭頭未是遲暫向棠陰問遺叟

龍學題袁州東湖廬肇石

袁山之陽秀水側草覆遺基誰氏宅
管云子強其姓盧

往以文章名籍，宅中舊物何所存，惟有嶙峋一區石。
闊纔三尺，高倍尋丈，卧塵沙，群瓦礫，余心好異，因獨往。
下馬環觀，聊拂拭地表，可見十二三，已足恠駭，動魂魄。
呼工運錘，整其旁，挽以長絙，百夫力雜，然鼓譟登大車。
恍爾如蒙，巨灵劈選，置東湖最佳處，四面澄波，映天碧。
倚空突兀，無與隣，頓覺亭臺增氣色，鬱環幽竇，莫敢揮。
恐有乘龍飛霹靂，余嘗南游到陽朔，衆峰轟轟，春筍植。
捫蘿踏蕨，窮之遍，若此竒車，曾未識，郡人奔走，未如雲。
故老驚視復唧唧，乃言此石，遇真賞，屈指今年二百。
沉埋曠代，誰爾珍，一日光價逾荆璧，嗟余束髮大夫後。
區區志尚，惟孤直，十年再謫，非不穷，猶慕堅絕，無改易。

如何故老不我愚，感物再三形嘆息，石不能言，人有言。
勿使他時重湮阨。

宛陵梅堯臣聖俞和都官郎中

胡公疎示擇之，盧石詩因和之。

袁州太守蓬山客，來過盧家尋恠石，盧家百物今已空。
唯石難移，留舊蹟，埋沒尚存三四分，雨淋日炙如皴散。
太守惻然呼健兒，荷鋤秉耨爭耒役，健兒掘土不為堅。
旋剝沙見圭隙，漸竒漸異，人忘勞，更索更深，知幾尺。
高峰削出嵩華骨，虛竅鑿破蛟螭額，千指曳繩，垂四輪。
擊鼓助力歸東陌，東頭河水流，岍傍黃沙洗盡，何蒼碧。
故宅愈冷，東湖喧貴賤，競觀無礙，隔太守，自憐堅直心。

愛少憎多屢遭謫南至蒼梧及桂林名山徧訪無窮僻
所宜厭慣不入眼向此孤吟尤愛惜我思永叔滁陽時
大誇古翠菱溪獲作詩遠寄子與蕓高唱相隨無節拍
今知賢人趣向同玩好託情無俗格建康從事胡公踈
一見稱君如李白雄才落筆瀉天河綴韻孤清仍險窄
入探虎穴誰為難辭通造化方能敵殿後吾雖膽力強
獨鞭疲馬終無益

樂安任大中和

宜陽刺史才祖擇之雄傑太早雨一方盡使焦枯活公
退趣向深水石探其絕長江北岬林唐有盧子發曾居
此林下高把簪組脫歲遠成荒墟佳名詎泯沒有石數

四十一

尺長猶是舊時物况辱泥塗久寔有堅重節擇之渡水
見力為心慘切萬夫一呼聚撓動雷声揭地嶮若驅來
巖谷俱震裂幽輔郡東河脫得太華骨白玉漏織紋雨
頻為梁刷草蔓漸盤遶柳綠密揮拂潤恐欲迸泉恠亦
有奧穴安知無螫龍時見微雲出幾因寧夜吟簾曉捲
殘月氣暗逼人寒蒙籠未若別煙重風掃開獨立勢寔
兀蘇武見單于傲睨腰不折人皆盡將歸手筆恨麤拙
擇之豈不賢天涯避諛古對此憂足忘我觀未甚悅不
得見媧皇願天無破缺

廣陵蕭元宗和

石是人非世所傳宜陽城郭古山川和光瓦礫曾無累

委質泥沙積有年地僻久為神物護時來方遇使君賢
介然作鎮東湖上德政何當向北鑄

盱江李泰伯題袁州東湖樂游堂呈

龍學

古郡城池已枕江東湖更在郡東方水仙座下魚鱗赤
龍女門前橘樹香路絕塵埃非洒掃地無風雨亦清涼
使君待客多娛樂只有醒時覺異鄉

又題袁州宜春臺再呈

龍學

謫官誰住小蓬萊惟有宜春有古臺千里待看毫末去
萬家攢作画图來雲中羅綺香風落月底笙歌醉夢回

莫恠江山若相助騷人沒後得真才

龍學和題東湖

晴烟慕麗淡湖光勢勝居然占一方拂水萬絲楊柳弱
倚風千蓋芰荷香縱遊閑泛蘭舟穩半醉狂眠石席涼
公退每來須度日却疑身出利名鄉

又和題宜春臺

異鄉何處散幽懷賴得城中百尺臺還向天濠津經歲住
那知春色為誰來雪消江上看梅發風暖衡陽有雁回
強擬登高聊賦詠再三媿乏楚人才

洛陽九老祖龍學文集卷第五

洛陽九老祖龍學文集卷第六

唱和詩三十九首

題尚書余襄公西園

尚書余靖在韶州居龍學時為廣南東路轉運使

臺閣清風正凜然歸休車騎曲江邊
及親已具三牲養負郭新添二頃田
萊子長年榮綵服衛公雅意樂平泉
官間道在心無悶惟惜光陰事簡編

尚書余襄公靖謝

都運擇之見訪西園

初聞結駟訪幽齋拂曙呼僮掃綠苔
方愧蓬蒿開徑晚已驚駟馭過江來
林間載酒情偏頷門外回舟事可咍
交泰于今易離合感君薦舊重徘徊

四十二

題余尚書山居要術

張衡已作歸田賦
況勝仍修種樹書
願借山居精要術
欲將蒿洛葺吾廬

尚書余襄公荅

都運擇之借山居要術

經濟諒周當世務
收藏敢秘老農書
相逢莫羨山居好
歸去蓬山有直廬

袁州慶豐堂下閑詠

皇祐五年十月二十一日

其一

吏散鈴齋掩閑眠
到日斜無端是春夢
容易繞京華

其二

二十九

鄭穀良可厭閑抱
七絲琴欲識調絃意
理人先理心

其三

年長身多病閑抄
已試方未甘先犬馬
畢命報恩光

其四

青山日相對閑看
白雲生誰謂無心出
中含濟物情

其五

曉按三杯後閑烹
北苑茶色香俱絕品
雪泛滿甌花

其六

扁舟賓客少閑作
道家裝跡靜心還靜
逍遙覺日長

其七

雨霽輕埃息閑吟
向曲池遊鱗時對擲
復破碧漣漪

朝來因試^筆華閑荅故交書莫恠音塵絕吾心與世踈

其九

漸老無功業閑思惜壯年柔榆如有得猶可勒燕然

其十

晴軒足清趣閑與鶴開籠寄語北山侶無驚蕙帳空

袁州通判陳詵和十首

其一

時豐公事少華硯任橫斜環郭江山秀人情等物華

其二

有象塔前景無殺膝上琴何勞分鄭衛視聽不關心

四十五

其三

窮谷寓形久慚無問俗方文章古刺史謂韓愈今昔竊餘

光

其四

穢草誅還密浮萍去又生輒污如鑑淨有客若為情

其五

秀泉開舊甃初試仰山茶寂々有餘意池蓮三五花

其六

園涉日成趣窮詩嬾綴裝梁間冰雪句屈指歲華長

其七

洗竹遙山出流泉到曲池可憐波萬頃曳勉對淪漪

其八

道院今猶古閑中事可書鷺鷥馴不去誰可得親踈

其九

登堂方再月已許慶豐年偶繼前賢跡承流頗裕然

其十

鴻鵠遠矰弋魚鳥脫池籠始覺一無物方知萬事空

江西運使閻珣謝

擇之學士惠示吏隱宜春郡十詩目成五十六

言奉荅

達觀終知世事勞利名都是一鴻毛登瀛自有仙遊樂

緩帶何妨吏隱高深意庇民躋富壽正辭華國尊英髦

四十六

搏風九萬期鵬翼且傲松軒弄彩毫

龍學和閻運使以詩見獎吏隱宜春郡詩

狂吟何足語風騷和寡甘降却唱高敢望典言同子夏

競推多可似山濤九成豈後虞韶美一字終虛魯史褒

自笑潢汙不盈尺猶將學海去滄々

李泰伯送春絕句一首呈

龍學時在袁州

宜春臺上送春歸泪滴金盃不自知懊惱黃鸝解言語

飛來唯見落花枝

龍學和

九十日春今日盡送春何況我偏知後期應在絳殘腸

重探梅開雪裡枝

盱江李泰伯送春絕句二首寄呈

龍學泰伯建昌人

也時在建昌

去年春盡在宜春
醉送東風淚滿巾
今日春歸倍惆悵
相逢不是去年人

又

東君此去幾時來
雪裡梅根待暖迴
莫似仙家寥落甚
蟠桃千歲始重開

龍學和

憶昨相逢甲午年
與君同賦送春篇
等閒又見春風老
更捧新吟一惘然

四十一

又和

萬樹紅芳落漸稀
浮榮能得幾多時
孤根未識陽和力
春去春來兩不知

龍學九日登袁州宜春臺

落帽佳辰又到來
黃花爛熳為誰開
已經多歲哀容改
更被無情急景催
取次盃盤須盡醉
隨宜歌管任頻陪
却慚未報君恩厚
空向山城養不才

是日招郡庠職事同登宜春臺兼賦詩鄉貢進

士直學宋攄和

登高佳節喜重來
會客依隨五馬開
帽落秋風隨意適
盃迎露菊趁時催
東籬幸有主人席
絳帳那逢上客陪

時李泰伯預也 欲報君恩話歸去不妨尊酒論文才

鄉貢進士教諭羅誘和

九日經年一再來不妨更隱遣懷開時豈訟少欣多暇
秋晚花黃儘任催幸遇登高間燕樂喜容落帽徧追陪
預愁詔入三公去芹泮誰思樂育才

詠震山巖彭徵君釣臺

彭^御雲宜春人力學多通尤善講易陰陽
圖緯無不精究注通元真經辭理深遠世
所推重隱居不求聞達唐天寶中刺史李
環以其名聞上遣使者齊延立以蒲輪徵
之凡二往始至玄宗欲官之徵君辭焉堅

四十一

乞歸鄉上元二年六月卒年六十三葬東

原有釣臺在震山之前

本朝皇祐五年九月二十日休暇

龍學與郡僚遊震山巖因以詠之

震山離州東十里釣臺本一巨石

紹興己未季春雷轟石斷

閑作山城吏隱居敬君真逸寓漁磯臺前岩畔清風在
尚想煙波映芰衣

通判陳侁和

東有徵君真逸居有臺可釣傍漁磯志高不在魚吞餌
回咲滎陽血染衣

京兆章友直和

巖因更号震山居臺上猶存舊釣磯
一派滄浪真隱處
澄清尚有濯塵衣

盱江李泰伯和

此臺山隱傍溪居小巖陵一釣磯
天寶詔雖搜逸切
歸官歸服芟荷衣

洛陽九老祖龍學文集卷第六

洛陽九老祖龍學文集卷第七

長書并記書一記九

上安撫張雜端書荐孫復牛仲容

初任齊州通判居官十有

一月作此書

虞疑是慮

九月十二日承奉郎守大理評事通判齊州軍州兼管

內河堤勸農事偕緋祖無擇謹傾竭愚虞撰書再拜獻

于安撫雜端執事無擇竊謂國家修我備設民兵雖我

朝之新制定前代之遺法若郡若縣其守宰之才者皆

足集事今國家擇賢于臺省以為安撫者非直為修戎

備設民兵振其綱目而已蓋將以察官吏之能否詢民

事之利病然後黜陟而更化之也伏惟執事巡按京東

一路自宋及齊歷州一十有一矣歷縣約五七十餘矣其民蓋幾百萬家矣其更能某吏否執事固知之矣其事利某事病執事亦固知之矣無擇誠愚而復數奉所事且不能知其能否者其利病者定無以告執事者今無擇所知者有二人焉是皆有才而無位一居充之奉符一居齊之章丘彼二人者常舉進士不幸為有司所擯于是乎自放于山林間奉符者曰孫復字明復章丘者曰牛仲容字元包孫復博學敏行有古人風慕孟軻楊雄氏著書牛仲容博學敏行與孫復比善用兵如古所謂孫武吳起者觀厥二人之才非今之組繡文字以為進士者未審執事以無擇之言信邪待將其二人

五

之學之行而後信邪執事苟求之不惟信夫二人之學之行又將信無擇之言也執事既信之必將行之將行之即當請于天子曰孫復有道者可與之官賜之祿以養于家且旌夫賢曰牛仲容有道者可與之官假之權以臨其戎且伸其用旌夫賢足以厚風俗伸其用足以威夷狄風俗歸厚則王化有成矣夷狄畏威則王師無征矣是進二人而王道具矣執事倘一言而天子從則幸其不從再言之又不從則重言之至于四五六七言之惟從而後已焉可也茲二人者無擇目識而心知者也若執事所巡按未至教州或有如孫復牛仲容之賢更莫執事留意而博訪之嚮者執事為京東轉運無擇

蒙被恩顧寔暴傳等今執事安撫京東無擇再獲望拜
旌旆心甚喜忭是敢輒稱彼二人之名于左右以備歸
朝日為天子語詢之資不佞無擇僭越惶恐頓首

蔡州新建學記

孔子生中國中國之人帥其教者十一二佛生西方中
國之人帥其教者十八九四海之內華面而夷心寢以
成俗者于今百世而况都邑村落之下橫衣髡首之伍
所居如市至使庶民終身不知君臣之義父子之愛師
友之禮待其悖逆淫亂之禍生然後寘于刑戮是王道
往而絕也嗚呼不教而殺君子所不為也三代之民
驩然以孝悌相養以禮義相守非家至而日見之也學

力主

校之化行乎州里也兩漢以降或張或弛何嘗之有化
之不常則民之所守不固所守不固則去而為佛去而
為佛則君雖有政不得臣而使父雖有慈不得子而蓄
師雖有教不得友而接欲其如三代之盛其可得耶今
尚書祠部郎中集賢校理太原王公質以清才卓識為
上器使來長蔡人為蔡人作新學于孔子廟近市而
陋地且甚狹遷之乃表請郡治前官舍居焉突然而高
者為之講堂次後如誦堂者師所仰息翼然而夾于兩
旁者生徒列室而處之又有亭以習射有庫以藏書有
厨以具饌有莊以出粟有圃以樹蔬有什物以備用有
耕牛以墾田使居是學者有求而足也且命軍事推官

楚秦汝陽縣主簿劉丙掌其局事既成公親領僚屬與其生徒落之蔡人于是知孔子之教非西方佛類皆欲澡刷前日所為夷狄行靡然晉日鄉莫不悅懌辱在學徒乃率其眾拜公之賜遂以是辭刻于石用識所始其生徒書史屋宇什物莊牛之教籍于學者悉第列于石陰云時景祐二年秋九月日謹記

京東路轉運使廳名記

昔者西漢漕山東之粟歲數十萬碩厥後又益教百萬碩以給乎中都故太倉之積相因而紅腐者繇此也今王京之東海岱之間其是乎國家受天駿命奄宅區夏析海內為一十七路分命官以司漕運寔兼廉察統理

卷之二

郡國則漢之八使之權俱焉非夫材如蕭何威如張綱能豐儲待而肅奸貪則不與是選我司勛張公即中工部馬公即中領漕運于京東既再稔二公靜惟國朝以來膺其任者為不少矣皆賢能有材稱去此而入居臺省毗大政者有矣而爵氏不紀其間也乃追錄前人而次之用刊諸石鄆之名州惟舊某年以河決徙今新州而二公之署在焉今所追錄則斷自徙州而下凡若干人徙州而上者蓋止矣觀夫群賢爵氏森然在目未有不稱其任者矧二公之業茂績隆度越群賢遠甚其將去此而入居臺省毗大政在早暮矣重惟二公之懿著于世也不可掩蔽則人或覩此必曰某之言不為所部

吏而倭且誣也康定二年夏六月十日記

京東路轉運使廳刻獎諭勅記

獎諭有勅嘉臣勞也金石刻之尊君賜也夏州畔之二
年王師致討未克于是朝廷大臣外及庶官皆思修政
教出籌策幹財幣練士卒協心陳力補綴闕漏以服乎
有罪以基乎無為不敢自暇于位然猶天子念邊警未
徹日御而夕惕至午而勿食未明而乃衣所以更張洪
化懷來遠人此虞舜格苗周文降崇之脩文德也我南
陽張公扶風馬公以尚書郎主邦計于外寔居京之東
屬國家有事于西鄙二公夙夜勞躬憂思勤宣精力碩
所職在國用在民隱方今宿兵原野調發良急苟國用

二十三

民隱之勿恤于臣節乎何有乃議校貨布經費之贏者
以資乎軍須遂取千萬以獻上王以充國之供餽下以紓
民之賦歛天子嘉其然錫以璽書而褒之二公茂對天
子之休命且欲流光無窮非金石刻不永即命某以文
誌焉惟二公之才之任寔朝廷之所賴以康也雖然於
二公為小官而尚劬以事如此異日天子擢賢以
輔至治二公並命為公為相必能推是心于天下則其
德業銘鐘鼎書竹帛然後納諸宗廟燕之勛室以昭示
後世集猶期為二公稱述茲敢不承命哉謹拜手稽首
蓋篆其辭于璽書之下云

申申堂記

申申堂者所以備燕息也無擇官于齊之六月郡政之暇思得賓客之有道者與之書而學政焉乃度地作堂以延賓客得隙地于寢室之後遂樹垣作限而廟諱堂為制不侈大亦不卑陋俯砌鑿二方池導回泉水以灌其中匝岸植雜花果樹間以怪石植藕于池之東旧有竹數本又徙數十本益之成竹林而賓客每至則引於此著古今之治亂評人物之是非有不學古而能道時事者亦見之以諮詢其利病焉或公退客去惟看書賦詩以為燕息之事若夫坐于堂上則有遠峰在目鳴泉入耳時觀魚之洄聞鳥之轉竊感魚鳥之樂哉動林壑之戀此其燕息之趣也居是官十有九月天子有

五十一

詔俾三十日而後歸朝惜夫將去此也目書其始作且誌其物或曰子名燕息之堂曰申申非取孔子燕居之義乎無擇對曰然書不云乎惟狂克念作聖若無擇其不為狂者耶斯亦克念矣恐後來君子未之知我以茲為過故以其說附諸康定元年夏五月二十有五日記

知雄堂記

君子之為道也夙夜皇皇不敢懈惰蘄至于聖且賢也苟至矣又將蘄其所施焉耳為所施惟勤而克著九休顯內充于厥躬外及于斯民光永于來世其或懈于其始而光且有終者未也蘭陵蕭君濬夙夜為道有君子之心焉雖內充于厥躬而猶蘄其所施故惟卑以處之

若求有以過人者豈不幾乎賢哉寶元己卯春以將作
丞為齊臨邑明年新故堂於其聽事之左堂故無名遂
名之曰知雄在老氏曰知其雄守其雌雄取大雌取小
知其太守其小則寔之者虛滿之不損孔子所謂若聖
與仁則吾豈敢又曰吾非生而知之者好古敏以求之
是矣惟君能知道之大守道之小故取老氏說以名其
堂蓋將與道出處不忘乎知之守之義也他日其獲
用于朝廷施厥所為以外及于斯民光永來世信夫道
之雄也厥惟君之志是誠君子之心焉臨邑于子為屬
予乃知君也詳後之來者其尚繼蕭君之志夙夜為道
而又知其太守其小則聖且賢可蘄而至焉也苟不以

五十五

其道而曰吾不為雄而為雌不為大而為小必也懦夫
者已未可與言乎知雄之有也

柳州學記時為廣南東路轉運使

皇祐五年七月柳州新作夫子廟學成太守陳君藻移
書俾無擇識其始夫惟聖人者人道之規矩學者王化
之本原人道非規矩不成王化非本原不立我國家因
唐制天下州縣置夫子廟與學用古道也柳于湘南介
要荒之地向之為州者徃陋其俗而不教之使知其
方故舊祠圯毀而絃誦之音未之聞焉前年陳君通判
是州與太守李君初平始謀撤故而新之因上其事朝
廷嘉之賜錢三十萬以助其費用丞制再拜喜忤黃髮

稚齒莫不聞知 明天子崇儒尊道之如此闔境歡聲
蒸為太和衆工效能曉昏勗事以亟集謀雖肇于李
而成功者陳也其制宏敞尊顯為一州壯觀偶夫子與
十哲于殿者王若公若侯各視其冕服圖六十子于庶
皆有次序儼然如揖乎威儀優然如聞乎教音左之右
之有經有史學者有能用力于斯不懈可以變冥為昭
言具齊聖陳君之是舉也柳人戴其德局有窮乎矧君
之自道判遷知州事凡四年矣惠恩入民心也深矣金
石之刻以詔後人無擇不冝辭乃系以詩云天下有道
兮庶人不議王澤旁流兮海隅萬里化莫先兮吾儒崛起
德莫盛兮斯文遐被惟柳之人兮亦材而美可操為

五十六

轅兮可矯為矢孰絕其津兮孰梗其隧今我邦侯兮咸
然以賣興與墜補漏兮靡艱厥為廟學既成兮不愆旧儀
生徒既集兮率角新規勤道在已兮廣案及時入聖之
域兮為帝之師無曰苟取富貴兮內以自欺遺我邦侯
之羞兮汝顏眉施誰踵其武兮善繼勿隳惟柳之人兮
無忘此詩

袁州慶豐堂記

以善員未詳

予去年春正月自廣南東路徙荆湖北路皆為提點刑
獄秋七月按部道次鼎州奉 詔改廣南東路轉運使
時廣源州蠻入寇陷嶺外數州 朝廷趨行乘遽日馳
二百里決辰而達所治遠方久無事我備既寡糧餉不

給賊氣方銳我師屢敗予不量力亦提羸兵迫躡其後
逐出境外未幾以罪移典此州其始至也見城郭井邑
在迤邐衆山之間如圖畫屏障使人清趣自生俗慮都
去郡僻務簡居多暇日小寢西有地一畝餘荒穢無人
跡命糞除之為堂以休焉公退則擁書隱几而坐考聖
賢之事業以自廣間或速賓友以琴尊相歡因謂坐客
曰昔也委妻子而去履山川之險見危致命可謂勞矣
今也乃無秩有祿飽食終日不亦泰乎人雖以為貶予
不以為貶也顧無以報 陛下之德為憂耳是秋禾大
熟百姓足食上下莫不悅懌乃名其堂曰慶豐且持其
說私自賀焉皇祐五年十月二十日記

唐韓文公廟記

元和十五年昌黎韓文公嘗為袁州刺史後二百三十
四年無擇寔治此州築官而祠之公諱愈字退之幼孤
見鞠于兄嫂氏嫂卒服莽喪以報德進士及第應董晉
張建封辟為汴徐二府從事入為國子博士監察御史
闕中大旱民死盈路公請寬征復租幸臣切齒貶連州
陽山縣令在陽山有善政既去人懷其惠生子悉以韓
名繇江陵府法曹叅軍再為博士避謗分司東都遷尚
書都官員外郎判祠部僧之無良者一切寘于理用是
復力穡者衆改河南縣令將發魏鄴幽鎮白劾亡卒民
恐禁示歷職方及比部考功郎中史館修撰知制誥初

議計吳元濟朝廷文武大臣無敢言者公以為宰相被
殺中丞傷僅免若是兵可息乎及裴度出征公以太子
右庶子為行軍司馬先馳至汴說韓都統名紀宣祖廟
諱上一年故
書其言韓與疾以從蔡州平公謂度曰正承宗可取乃授
書栢耆以往承宗即獻德棣二州轉刑部侍郎佛骨至
自鳳翔百姓大飢瘡為奉供京師公上疏極其不可因
得臯貶潮州刺史近境有鱷魚食人公以文逐之魚輒
遠去人用無患移刺袁州袁州之民男女為人隸者踰
納則沒不得出公皆計傭子有而出之循奏而著于令
拜國子祭酒接學官儒生必以禮除兵部侍郎鎮州亂
殺其帥署王廷湊為節度詔公宣撫既行穆宗遽止之

五十六

公已入矣眾皆危公辭氣慷慨如蹈無人之境與士
卒論逆順存亡之理莫不聽命解深州圍歸牛元翼以
吏部侍郎典選聽令史出入令史之勢遂輕任京兆尹
六軍將士咸畏憚怙怙不敢犯曰是欲燒佛骨者其為
人信服也如此憲宗既貶公于潮且將復用之為皇甫
鑄所忌乃以公為狂踈止可量移一郡故有袁州之命
公自鎮州還穆宗即欲相之會京兆尹以不治聞乃擢
公兼御史大夫有教無臺叅中丞李紳繇是不協復為
吏部侍郎卒贈禮部尚書嗚呼公之器業可謂宏深魁
偉施于行事細大夷險無所不宜其文章博辨卓記與
商盤周誥相上下惜也孔子沒無聖人者為之章顯以

信後世而見絀于史臣之筆其亦不辜也歟無擇何人哉道不知修學不加益夙夜茂勉庶几前烈謹詳書其寔以著于記云時皇祐三年冬十一月一日也

袁州東湖記

袁城之東有湖焉上有四亭與自近歲厥後為州者奄昏不事之湖亭用不治以荒初予至州日其處不及徑者三月既而吏曹務簡登城而觀水雖盈而甚汚屋雖存而將傾延議葺之且官無羨財苟賦于民則予不為也閱封內之浮屠民多歲者籍其餘什之一募匠購財一皆新之別為堂亭臺閣互植以珍木嘉果間以奇卉幽草紅蕖綠荷雜巖波上于是游者日往焉予樂州人

五十九

之觀遊是好遂署其中堂曰樂游其東堂曰廉循屋之南其亭曰休因城之高其臺曰月抗水而榭曰采香閣為庖厨二以供賓客舊亭四皆無名亦名之在樂游之西者曰遜堂壯有射圃南有石高丈餘奇秀可愛寔自盧肇故宅徙焉背城而東向者曰采珠閣後有石亦惟舊廉與遜采香采珠皆東西相值據城之隅者曰銷暑亭與月臺相屬而差小者曰風亭其浮有航其絕有梁其登有磴道其周有繚階南北其門後溪前市山烟水風淵魚林鳥明滅虛徐浮沉下上眺聽之際可以釋幽鬱可以道和粹予以公事不得數自放于其間月或一至再至蓋稀矣予猶以為數也越二年新太守在

道予行有日矣因置酒為會同僚舉觴屬予曰湖亭雖
舊而僧廣之以至大脩者非君而誰不可以不聞于後
盍文而刻諸金石乎予曰池館之作耳目之娛非政之
急何足道哉然此州自江以西最窮處故

朝廷往以有罪者居之予即其人也或終年不逢王
人出于其塗非教^數君子相與樂此予何以久處乎後之
踵予武者其以才選而來厥職是宜政成民和能無燕
嬉之事欤若以享譴而來又宜有登覽之美庶幾忘遷
謫之累焉繇是而言則茲境也當不廢矣奚取于予文
如欲識其歲時請以斯言刻之至和二年冬十月一日
洛陽祖無擇記

洛陽九老祖龍學文集卷第七

洛陽九老祖龍學文集卷第八

序七篇

刻經效方序

洪範九疇皆以天時人事本于王化其九曰嚮用五福
威用六極壽康寧考終命居福之三凶短折疾居極之
二苟陰陽和寒暑時兵革不起畫象象不犯則民壽康寧
且考終命矣三代之際仁政之行非他也繇是道也風
雨不時人多疾疫邊鄙不寧刑罰不中則民凶短折且
疾矣暴秦之際覆亡不暇非他也亦繇是道也噫為天
下國家者舍三代而不務則必暴君也污吏也未見其
仁政所由興也求今之人能繇是道以行仁矣其提刑

舍人彭城劉公乎公明白有材遇事輒斷奸貪下吏縮縮不敢動如老婢病妾對明鑑然常自謂曰陰陽和寒暑時兵革不起盡象不犯使民壽康寧且考終命者此宰相佐天子之職之業我則不敢然念四海之廣民踰億兆飲食之失飪寒暄之作沴為不少矣非有藥石之良孰救腹心之疾因取家藏方書所經效者總三百七十首且將刻石傳諸方耒即出其本以示小子小子再拜拜賜不覺歎服公之用心可謂有仁術矣往者太宗皇帝集聖惠方凡萬餘首錢之方板以廣流布今上皇帝作銅人象按明堂法分布喻室示民不惑以我國家四聖人豐功鉅德紹休天命永康民人仁政之行

固已比隆于三代也尚慮和氣或鬱人乘為疹乃以藥餌之方鍼砭之法輔世所闕斯又過于禹湯文武之心焉公則靡受斯術用濟群品有以見聖主賢臣同德協心如此其至矣異日朝廷訪公以天下之利害民間之疾苦公又將以仁義之藥禮樂之術醫時之病使鰥寡孤獨有養黎民不飢寒至于海隅蒼生或仁或壽其為美利萬于茲也小子不敏辱命為序區區之說願冠諸首

群公送潘君秘校赴穎上詩序

去年余遊上都隸太學會友人芸閣讎書潘君說自七鬪赴三銓余以秋賦獲升名于禮部君以冬集勾稽于

穎上既而離群索居望風懷想者三十旬于茲矣今余
抵穎謁舊叅政貳卿蔡公屬君趨府且同傳金脊會于
此驩慰無量君乃出去年所得餞行詩繇內相晁公而
不暨予一十九人凡二十章其將籍不肖文以冠諸首
而刻諸石請不容遜可無辭乎君少步場屋為時聞人
沉此下僚固未充量而君累歲處之無一日戚于懷
抱如尸責仕享豐祿之為者事上官不少懈亦未嘗以
毛髮事取容于人非夫噐之閱大塗之脩遠尚不可涯
測則疇能如是耶貳卿蔡公以元老舊德暫解魁柄息
偃是藩薦紳之士延脰翹踵以覲獎拔矧如君者孰與
先焉余知君之脫塵土凌烟雲當在此時不在異日必

矣敢請題是辭于群公之詩左以為序時景祐五年秋
九月十日也

是年十一月十八日改寶元元年

河南穆公集序

積于中者之謂道發于外者之謂文有道有文然後可
以為君子道有用舍文有否泰然用舍否泰在命不在
道與文也君子不以其命之窮而輟于為道、之不行
而不廢于學文故雖身厄于當時而名顯于後世者繇
此也河南穆公諱脩字伯長天平人少舉進士有名廣
場中真宗封泰山之年詔齊魯諸生以經明行脩公
寔在其選越三年就銓調補秦州司理叅軍居職以直
自任無與合者人皆憚忌卒誣之罪遂貶池州再逢思

從穎蔡二州為文學掾卒不復用明道元年秋九月終于家如公可謂命之窮道之不行也已而未嘗廢文大凡有作莫不要諸聖賢而五言舍諸仁義以為質平時所見于簡策殆者踰數千萬言時人得之且愛且學及公之歿無擇求遺文于嗣子熙得詩五十六書序記誌祭文總二千與無擇所藏增多詩一十二書序谷一又從其舊友而求之往知愛而不知傳故無獲焉姑類次是以為三卷題曰河南穆公集云時慶歷三年春南康清脩閣中序

李泰伯退居類彙序

孔子沒千有餘祀斯文衰敝其間作者孟軻荀卿賈誼

董仲舒楊雄王通通之徒異代相望而不能興與衰拯敝者位不得而志不行也苟得位以行其志則三代之風吾知其必復嗟乎秦漢以來禮樂則不為而任刑以毆其民將納於治適所以亂之也歷世寢久皆謂天下當如是以致治而不治者時再故有奮筆舌為章句卒不及于禮樂者末哉文也吁江李泰伯其有孟軻氏六君子之深心為年少志大常憤疾斯文衰敝曰墜地已甚誰其拯之于是夙夜討論文武周公孔子之遺文舊制兼明乎當世之務悉著于篇且又歎曰生處僻遐不自進孰進哉因徒步二千里入京師以文求通于天子乃舉茂材異等得召第一既而試于有司有司黜之鳴

徒穎蔡二州為文學掾卒不復用明道元年秋九月終
于家如公可謂命之窮道之不行也已而未嘗廢文大
凡有作莫不要諸聖賢而立言舍諸仁義以為質平時
所見于簡策殆者踰數千萬言時人得之且愛且學及
公之歿無擇求遺文于嗣子熙得詩五十六書序記誌
祭文總二千與無擇所藏增多詩一十二書序谷一又
從其舊友而求之往々知愛而不知傳故無獲焉姑類
次是以為三卷題曰河南穆公集云時慶歷三年春南
康清脩閣中序

李泰伯退居類彙序

孔子沒千有餘祀斯文衰敝其間作者孟軻荀卿賈誼

董仲舒楊雄王通之徒異代相望而不能興衰拯敝者
位不得而志不行也苟得位以行其志則三代之風吾
知其必復嗟乎秦漢以來禮樂則不為而任刑以毆其
民將納於治適所以亂之也歷世寢久皆謂天下當如
是以致治而不治者時再故有奮筆舌為章句卒不
及于禮樂者末哉文也吁江李泰伯其有孟軻氏六君
子之深心為年少志大常憤疾斯文衰敝曰墜地已甚
誰其拯之于是夙夜討論文武周公孔子之遺文舊制
兼明乎當世之務悉著于篇且又歎曰生處僻遐不自
進孰進哉因徒步二千里入京師以文求通于天子
乃舉茂材異等得召第一既而試于有司有司黜之鳴

呼豈有司之過耶其泰伯之命耶或者天徒付泰伯以其大而命則否耶亦將謂得志行後有時耶吾不得而知已泰伯退君之明年類其文藁第為十有二卷以寄南康祖無擇且屬為序無擇既授之讀之期月不休善乎文武周公孔子之遺文舊制與夫當世之務言之備矣務學君子可不景行于斯慶曆三年冬至日序

連席秀才字序

名之于身必存乎義無義不足以為名故字者所以明乎義之所存也夫春秋之法書字者貴之也書之為貴則不書者賤可知矣噫字之用亦大矣古之人名而不字者有矣字而不生乎名者有矣苟名與字存乎義甚

六十二

大而人不有其道又何所取焉上黨連君學賢人者也學賢人者將有為也將有為則其思慮深其志意廣精驚乎堯舜之道思慮不得不深心入乎堯舜之道志意不得不廣連君學賢人勤且久而不渝其心允乎賢人也其名席之義亦大昔魯哀公問儒于孔子孔子曰儒有席上之珍以待聘鄭氏謂席猶鋪陳也鋪陳往古堯舜之善道以待見問也夫堯舜之道存乎典蓋百王之所不可易之法也人苟能得其道而鋪陳之以事其君不亦孔子之心乎今連君之名席豈無意哉無擇敢請字之曰公珍惟公珍有可為之材當可為之時又將居可為之位必能鋪陳善道以事其君亦明友有望于

公珮也公珮其勉諸

進士魏舜元字序

男子冠而不字可以謂之闕禮予之友弟魏君舜元一日訪予以未字為請且懼其闕禮夫父名其子士字其友時乃古予不敢遜因稽其名所出循其義以取稱之字曰善長在春秋傳舜有大功二十而為天子蓋言舉十六相去四凶人也易稱乾有四德元亨利正文言謂元者善之長也在坤則曰坤元亨利牝馬之正用知乾有四德坤亦有之乾言君坤曰臣君臣之間皆備四德舉十六相世濟其美天下之人謂之元凱其不善乎臣于堯舜非坤道乎第以少年強學為作進之心苟道日

六十九

益脩志日益固何患夫不為元凱也何患夫不為明天子之舉也孟子不大乎舜何人也予何人也舜而可及元凱其不可及乎第其勉之孟子又曰責善者朋友之道也予既辱來請且訊其舜之功又緣其坤之德重以孟子之言并而為序以畢其說不獲而勉者亦庶幾乎責善之道焉

題宜春臺詩序

宜春郡有五臺號宜春者為甲蓋其據會要盡登眺之樂自古迄今幾千百年遊于斯者幾千百人好事之流覽景而賦詩者豈少耶今存于屋壁者不遇^過近世三四十人而已余意經久失其傳尔乃因暇日命工為巨版

總錄其詩凡三千首庶免散亡不以詞之妍媸不以位之高卑惟以歲月次其先後或曰子其刪之如何余應之曰非聖人之徒不敢爾為也請俟來者

洛陽九老祖龍學文集卷第八

洛陽九老祖龍學文集卷第九

書并神道碑銘墓表

與張郎中書

月日范陽祖無擇謹致書于郎中執事無擇中間嘗奉
面命俾撰先正侍郎神道碑文初不敢承命暨執事改
治洛州又辱書來請伏以先正侍郎潛德勿耀克昌其
家無捧才學短淺固不能發明徃行然屢被見託不可
無辭以慰孝思其碑今已撰成謹令繕寫寄獻文字荒
謬深懼不稱伏惟尊明詳擇不宣

宋故贈尚書工部侍郎清河張君神道碑銘

寶元 年冬十一月庚戌天子有事于南郊還乃賞公

不青集 卷九
卿行慶賜自公以下位于朝者其父母祖父母既歿咸
有贈官例也明年春知齊州軍州事尚書虞部郎中張
公某語其僚天理評事祖無捧曰我先正本無官某治
毛鄭詩咸平三年擢第自有位于朝累贈為衛尉卿今
天子以園丘之祀均釐臣庶又贈至尚書工部侍郎按
令當斷召為碑表諸神道願得文章以系以銘無捧曰
不敏文章不足以信後人敢辭他日見復言無捧曰
此譏述之事非末學所宜為固辭未幾公改治洛州
又移書來請益堅無捧大悞違孝子之心有咎乃不敢
辭其碑曰惟張氏先寶皇帝所自出其苗裔蕃衍甚盛
漢晉暨唐有文武材為王侯公卿大夫士五六唐末五

代天下喪亂衣冠舊族徃流落閭閻間沒而不振故侍
郎諸祖咸夷于民曾祖諱瓌祖諱溫父諱隱以中原版
蕩與其族轉徙四方無常產逮周廣順中始占籍于濟
侍郎諱澄字仲容寔濟人也侍郎以諸祖連數十歲避
難南北為其餘貲無以支經費遂不為他務惟蚤夜孜
孜以治生事常自儉嗇推所有以均其宗屬歷數年為
富家大族嘗有里中凶人晝日輒撰物侍郎不畀人捕
為俄而凶人自致其所盜物而去濟民於是號有善行
初郎中君以明經中選侍郎訓于庭曰汝惟清謹乃克
保厥官汝惟反是乃用瘵厥躬郎中君初服其誨言固
敢失墜繇州縣職為幕府客遷京朝官宰邑守郡時稱

廉平故人咸謂張氏有子矣侍郎之配曰太原王氏積
 封寧晉縣太君生六男四女男長即郎中君也次曰永
 固曰永昌曰永錫曰永肩曰瑋並無祿早世女俱嫁為
 仕妻侍郎以咸平五年秋八月終以明道元年秋八月
 葬于濟之鉅野縣仁義鄉仁義里以寶元二年秋八月
 作碑于道固自一命大理評事暨今尚書工部侍郎凡
 六被贈典也于是條其世係官闕以狀來請辭刻于石
 辭曰

東京陳氏 著于穎川 世莫不聞
 太丘之賢 降及千載 孰慕其先
 君曾祖考 奕世服道 樂只丘園

六九

不易其操 涵淳淵深 後必浩々
 至召起家 存謙有華 郎署卿曹
 爵服載加 周旋四紀 靡有過差
 于沂于弁 于新于撫 若泗興國
 別乘守土 王澤是宣 及爾黎庶
 聽訟曰人 下無寃民 發茲摘伏
 異如神明 折強扶弱 愛如陽春
 七十致政 雖曰禮典 卿士大夫
 由之蓋鮮 惟君知止 聖言是踐
 昔學而仕 車朱兩轄 盍歸乎來
 棲遲衡門 始終進退 身歿名存

咨爾來世 欽此遺懿 鄉黨善人
 朝廷循吏 石有時泐 斯文不墜
 鄭都官墓表

予既作韓文公祠成因登都官即中滎陽鄭公像于東壁以配未几郡人之歲白者以公墓所在東居乃率僚友亟往覘之距城纔七里而獲焉于是增封與樹植宇隧前周以垣墉限以閑闔伐石為碣表于路隅公名谷字愚袁州宜春人光啟三年進士及第始為宣德節度判官不行以所知荐擢為殿中丞遷國子博士尚書虞比駕部員外郎中司農少卿歷知南京丁邑縣廬州舒城江陵府江陵邛州天邑 通判沂并州知新撫泗州

七十

監光州酒稅知兵國軍始為郡掾留心法律嘗言五服年月之制輕重之失凡九條請行刊正文信五代之法有自徒加至死者亦請減定並從之赴調吏部以書判高等遂佐江陵幕時府政尚威猛僚吏無敢言者君頗為規正一府賴焉君在舒城主推茶苻有大姓張迪等五家常擅其利他商莫能行君為革其敝迪等乃誣高廟訟君于上在法當免轉運使察其非罪聞于 朝迺得其直迪等皆黜配焉治江陵有善政後有餘越者代君為治亦著能名時人歌曰前陳後徐政簡民舒民到于今稱之有沂州殺人者及得無辜而按之會君被檄如齊未幾而已具獄君立辨其寃後果得殺人者人以

為神明樞密直學士王公雅聞君名及守太原辟以為僚至則一府之事多以委之春州有馬萬者殺人辭連馮資既而吏鬻獄將以資死焉君方為新州轉運使乃以屬君繇是資得不死撫民素好訟君下車三日牒訴數百一照其情偽區處無有不當訟是用希泗當水陸之會政事寔繁君處之沛若有餘力皇祐中諸路轉運使承詔上列郡治狀而君在淮南為第一踰年拜章懇求近鄉一閑局以使得于私宰再上乃有光州之役俄為使者奏起之復知與國軍大江以西其俗尚鬼君一切禁止民遂化之居二年請老既得謝歸故里一不問家事惟與同縣人高士劉瞻相往來講道義泊如也以

七十一

嘉祐六年十月十四日啓手足私第享年七十有五君少時孝謹諸父有欲異居者為之泣諫乃止丁繼母憂廬墓三年極于哀毀其泣官效職廉白明恕教見稱述若文路公明文列公高文華公皆引重焉曾祖隱祖懷懿並不仕治左氏春秋世其學父谷不仕累贈尚書工部侍郎妣李氏張氏梁氏封壽光僊遊縣源太君三娶初黃氏次程氏後許氏皆望族也程許封長壽天興縣君男八人之翰之寄之才之純之敏之道之輔之賢翰撫州司戶叅軍寄宿州臨漁縣主簿純蘄縣主簿才不幸早世餘皆舉進士女四人伯叔並天仲季嫁為士妻孫十一人曾孫二十二人君既有疾一日謂諸子

曰吾疾草矣吾死當乞文于祖^無擇之以識丘壠則瞑目
無恨焉諸子以熙寧元年四月二十日葬君及三夫人
于蔡之新蔡縣咸平鄉龍泉里從吉卜京兆府劇縣尉
終以尚書都官郎中老子鄉嘗作拾遺補闕當時正人
多稱其善尤工五七言詩為薛能大拙所有雲臺編與
外集凡四百篇至今行焉士大夫家暨委巷間教授兒
童咸以公詩與六甲相先後蓋取諸辭童海婉明白不
狎不野故然嗚呼人患不學：患不至苟至矣雖小善
必聞古之賢師日者之類有能臻其極猶或不磨滅于
後世矧詩者吾聖人之門六藝之一乎宜乎公之名與
詩俱存也予觀今袁人服儒而志古者誠不少矣他日

七十二

卓然以文章功業與前人並駕則誰欵予是舉也將以
勉其所未至耳墓在宜春縣信義鄉仁成里至和元年
冬十二月五日記

祭故鄆州孔給事文

維寶元二年歲次己卯閏十二月丁亥朔十日丙申承
奉郎守大理評事通判齊州軍州兼管內河堤勸農事
借緋祖無擇謹以清酌庶羞之奠致祭于故鄆州給事
孔公之靈嗚呼直如絃死道邊昔聞其語今見公為嗚
呼公乎秉德自矢其道甚大動直靜專惟我素王寔公
遠祖王之四科方冊攸布公能兼之用濟近著克孝于
親克忠于君德行以聞再使絕域時謂稱職言語維則

五為州牧務簡刑肅政事有穆好古博雅不舍晝夜文學是薦公以讜言得官諫垣致獻替袞闕以完中間左遷廼于蕃宣帝思其賢趣召次旋復位于朝承我御史表正中外有綱有紀有議于廷惟公固爭遂被斥逐去如沅萍守徐暨充歲華五變又詔俾歸舊職是踐厥惟霄人寔文通臣訟起王府迹狀誠陳公按其獄細大必親投鼠忌器有惻上仁巧言如簧茲用中傷朝奪其官夕與汶陽道次澶州館舍以捐聞諸行路失殺潛然雲輻東歸闕里故第寓殯于郊茲辰維利敢陳薄奠以致精意公其鑒之尚或未暨嗚呼哀哉伏惟尚饗

洛陽九老祖龍學文集卷第九

洛陽九老祖龍學文集卷第十

雜文

歐陽文忠公除吏部侍郎告詞時為知制誥

先皇帝遺大投艱于朕躬俾守宗廟暮年于茲惟是三政事之臣輔朕不逮以底于治嘉乃勞止是用疇庸推忠協謀佐理功臣金紫光祿大夫行尚書戶部侍郎叅知政事柱國樂安郡開國公食邑二千八百戶食封八百戶歐陽脩精識照于古今高名起于日月文之以禮樂濟之以公忠頃在先朝預聞大逮予嗣訓之始繫爾定策之先屬哀毀之過差感疾疹之甚美鑿禱脩至氣詔康苟非與在之良局見仰戒之懿宜峻天臺之秋庸

神前學集 卷一
晤國棟之際褒德懋公于是乎在爾其夙夜茂勉左右
弼諧用又我王家爾亦有無窮之聞豈不休哉可特授
行尚書吏部侍郎依前叅知政事功臣散官勲封食實
封如故

為病設醮青詞

臣聞惠迪吉從逆凶惟影響惟時上天鑒厥下厥下克
寅威罔惟無咎悔亦用集于多祉茲臣固常聞于師而
臣愚不明勿克率厥道以底于休反肆志不類允宜速
災置于厥身今天謂愚無罰而猶降疾以告戒俾怵惕
其心而臣夙夜靜惟先王之訓儆懼不怠尚克惠迪以
終有慶以承夫惠惟天聽在下必聞臣之言天而既告

戒矣臣亦既儆懼矣寔期藥石所治以即康寧臣其有
諭今日之言惟大罰不敢違臣無任懇禱之至

進士策問三道

第一道

問古者井田之法什一而稅國用足民食不匱雖有凶
荒兵革而民無菜色者矣 國家富有天下農田至廣
賦稅亦厚益以山澤之產醴菡金珠犀象之利又征商
權酷獲其饒無凶荒兵革之事而國用不足民食匱者
何也子極言其所以然而陳古道以教我

第二道

問儒者言聖人則必有夫孔子孔子之刪詩書定禮樂

賈易道備春秋謂之六經茲固萬世不刊之書也孔氏序書則云漸自唐虞以下訖于周今之所存可考矣司馬遷作史記則有五帝本記孔氏又以少昊顓頊高辛唐虞之書謂之五典司馬本記則首黃帝刪紀亦既有異同黃帝又復不同二者差殊豈無得失聖賢之旨子其辨焉

第三道

問夫子之文章著于書載于傳所以垂世立教不為空言也其有並出書傳而旨遠不類非質于博識通儒則不能無惑且如書云兩造具脩師聽五辭及稱子路則曰片言折獄其由也與又若會于夾谷云有文事者必

有武脩及對衛公問陳則曰軍旅之事未之學也儻以兩造具脩師聽五辭則由也片言折獄何為而稱之苟有文事者必有武脩則衛公問陳何為而不對茲固學者之所常沉研耽味也進問其說以附于經

與盱江李泰伯五啟

其一

無擇再拜泰伯先生酷熱以來氣體何如驛置相望不遠千里無階披奉祝增詹企法掾連君錫僕之故人有文而善與人交泰伯見之當相得以驩矣千萬善愛慰此多憶無擇手記頓首泰伯先生六月十七日

其二

無擇啟累日前軍校過敝邑得泰伯所示書承起居無他為慰甚深也慶曆良言皆極當時之病真醫國之書耳使今相天子宰天下者聞其言而行之何憂乎獯鬻何患乎拓跋氏耶無擇踈賤不得言于朝泰伯又俾附寄永叔即須良便致之也君錫行日曾託奉書必得通上無擇近作愛堂銘與文爽序石君錫處宜枉觀覽因風幸示可否之秋暑千萬善愛不宣無擇再拜

二十六日

其三

無擇自來淮楚以地遠且少便復吏事無餘暇故不得時：拜書徒自愧頌止已足下之門人高第者曰陳生過聽不佞遣介走數千里惠然以書見抵且示策捧

覽之際覩生面目茲足下之不鄙遺我而俾之相示也顧愚何足以當之推轂之教豈敢不勉趨奉未由惟祝善愛諸懇可期面會茲不布萬一無擇再拜泰伯足下

四月九日
淮上書

其四

無擇再拜泰伯先生無擇嚮者居憂丹陽辱書者再無承見寄長篇及賦不任感仰然以道途阻遠少遇信便無階致誠而望風依：靡忘終日也去歲過洪井見建昌牙校首詢動止且將問附乃先生赴范杭州呂已行矣又不得通區：于左右今陳秀才八來捧所貺手尺具悉起居如宜差慰詹渴萬一無擇方此奔走披晤來

日仰蘄千萬為道自愛愚懷所望無擇再拜泰伯先生
其五

無擇再拜泰伯先生言念久不附問惟劇詹馳夏未抵
表即欲致記竊聞暫車寓治洪井及詢諸相識乃云他
適蓋傳聞之不得當的耳介至忽捧手墨承體局休佳
殊慰區：敝郡已作學更三兩月可成當須坐邀長者
來此為後生唱道此乃時專遣人禮請次謹先此咨露
秋涼希千萬若時加愛懇：無擇再拜泰伯先生
三
日

知袁州日謁
仰山廟祝文

無擇謹以清酌之奠敢昭告于 仰山之神大江之西
表寔小邦于京師為遠地近世守茲土者多不選任重
人非不材与有罪為時棄逐則不至焉無擇不幸既不
材且有罪其小邦遠地固所宜處既至州三日與吏民
相見矣然念雖小人不可不務為君子盖有志于君子
則不以進退遠通易其慮竊惟幽明之際神人相依人
克事神以誠神必祐人以福苟無擇政有繆盩勿協于
極以傷其和神其降罰于無擇之身罔敢忽尤無作水
旱疫癘菑害百姓尚饗

祈雨祝文

無擇謹以清酌之奠敢昭告于 仰山之神惟表之民

庇于神舊矣 今天子以無擇有罪俾守茲土曾未期
月民以旱告無擇殊不知所以獲戾于神豈神以朝
廷謫無擇之身尚存餘責而神責之乎不然何當雨而
不雨使千里之內戴目而望膚寸之雲以雨其田疇心
憂且悲將繼之血無擇儻無罪而神責之不明有罪而
移其責於民不仁不明不仁虧神之德其作霖雨以活
百姓之命歟或後時雖雨無益也尚饗

謝雨祝文

無擇謹以清酌庶羞之奠敢昭告于 仰山之神歲比
不登民飢已甚公私匱乏不堪其慶憂田農之家徃舉
息錢以布種与牛乃克播種苟嘉穀未秀而膏澤斯愆

則西成何望烏無擇不忍見此民將轉死于溝壑遂有
禱于神蒙神哀之雨以時降闔境之內靡不霑足惟神
之德大不可酌非荐至誠固以為報神其有終厥惠無
毀予誠使民感神之德于無窮豈不休哉尚饗

秋祭祝文

無擇謹以清酌庶羞之奠敢昭告于 仰山之神歲云
秋矣百穀用成俾民小康乃神之賜恭脩時祭是謂報
功神其永芘吾民食于茲土不已尚饗

春祭祝文

無擇謹以清酌庶羞之奠敢昭告于 仰山之神月旅
仲春農務東作百姓有倉箱之望三時無風雨之愆繫

神降康俾民蒙福嚴伸時祭其鑒至誠尚饗

祭韓文公祝文

皇祐五年十一月初一日築

韓文公祠堂落成以文安謝

嗟乎公之文章日光玉潔可學而式公之間望太山北
斗可仰而尊公之萬道自比孟軻可從而信公之經學
為諸儒倡可從而效至于排闥浮囿力抵萬乘先諱于
潮旋移于表遺愛勿泯邦人是思去古雖邈其風猶在
無擇偶以罪譴出守于斯遐想英風築宮以祠乃繪慮
鄭暨公門人賢若提翔並列從祀比至落成為文以告
諒云英爽其鑒于茲尚饗

祭鄭都官祝文

至和元年十二月初五臣廼建

鄭都官即中墳亭神像落成之後以文安謝

無擇茲以脩員出守此土固當首尊文行以勵邦俗則
搜訪前賢遺跡詎可後与于是閱唐人登科記則知公
之名有素觀郡庠雲臺編則知公之詩有體得佳城之
故阡則知公之跡可仰故卜以吉日高宗廟韓以墳宇繪以
亭像敬率郡僚以文告焉嗚呼公之生也其亦人中之
龍也而亡也其亦星辰山嶽之歸也則夫所以脩完墓
宇者繫欲勵此邦之俗而俾後進之有所繼 區之
文靈其鑒焉尚饗

鼎州桃源觀題名

皇祐四年正月自廣東憲徙為湖北

提刑七月奉

詔改廣東轉運使

予按部辰陽往來再經桃源現時皇祐四年秋七月已

酉壬戌范陽祖無擇題親書刻于觀中

堵田仰山新廟題名

自廣南東路轉運使以太常博士直集賢院移

知袁州皇祐五年六月五日到任至和二年十

二月十三日尚書比部郎中翁及替罷

范陽祖無擇准

制祭

仰山神東平費式江夏黃本南陽白文清洛陽林觀盱

江李泰伯滎陽潘及甫河東柳淇偕行至和元年夏四

月庚戌淇書刻石立于殿下饗亭前

謝到任表

元豐六年

神宗召起 龍學典藩

臣無擇言昨奉

勅命差臣知光州已於今月二十六日到任交割管幹

訖者受命以還視事伊始戴恩懷懼撫已震驚臣無擇

申謝伏念臣世系卑微天姿謏薄偶緣尺寸之技謬塵

甲乙之利遂自下陳寢階近侍歲月滋久功效蔑聞夙
夜勤勞過咎深積果人言之是速在吏議以何逃流竄
累年飄泊散地俯臨晚節仰被洪私復叨守土之榮寔
出逢辰之幸茲蓋伏遇
皇帝陛下堯仁衛覆舜智無為憫臣少被于搜揚察臣
老流于荒裔遠從謂籍復置列藩臣敢不捫心省過刻
骨去非誓殫犬馬之疲勞免擠溝壑之玷辱庶逃後悔
尚蓋前愆臣無任

洛陽九老祖龍學文集卷第十

洛陽九老祖龍學文集卷第十一

名臣賢士詩一十六首附

司馬溫公送

龍學守陝

狀元呂椿榜龍學第
三名溫公第六名

聲教空岩穴夫君集帝庭
辭華動丹宸光價塞青冥
峻德爭推轂榮塗易建瓴
陸離寒水玉磊落曙天星
得喪誰先識艱虞困屢經
蹉跎渥注足漂泊鳳凰翎
粉署踈恩紀甘棠寄典刑
仁風思布濩疲俗待綏寧
賤子良多媿餘光每乞靈
題名聯土版占籍脩民丁
種二顛毛白蕭三壅柏青
陌頭瞻皂蓋獨立涕飄零

梅聖俞再詠送

龍學赴陝府

古來分陝重猶有召公棠此樹且能久後人宜不忘君
從金馬去郡在鐵牛傍山色臨關險河聲出地長尊無
空美酒魚必荐嘉魴天子憂民切行當務勸桑

王荆公和

龍學登紫微閣

同為知制誥臣日

漠漠秋陰護掖垣青雲只在兩楹間官樓唱罷鷄人遠
門闕朝歸虎士閑華蓋北瞻天帝座蓬萊東想道家山
却慚久此隨諸彦文采初無豹一斑

又

掖門相對敞銅鑲轍轡飛毫在兩間潤色乎生知地禁

登臨此日媿身閑浮雲倒影移窓隙落木回飈動屋山
忽憶初來秋向早紫薇花點綠苔斑

梅聖俞送

龍學北使

燕山常苦寒漢使涉靈臆路長人馬愁風急沙霰雜宿
造穹廬閑行逢獵騎合獻鮮秃髮馳問驛華言答每食
冰生盤欲飲酒凍榼見其君長時國禮何勤納中朝厚
仁恩四海望閭闔乃知日月光照必蠻夷西歸來易輕
裘賜對延典閣

司馬溫公晚春病起詩呈

龍學

風日正和柔身輕喜病瘳
懶拋殘蠹簡暖脫弊貂裘
值客開青眼逢花忘白頭
家好春色何日可同遊

朝議大夫上柱國致仕張徽聞

在學平昔曾遊潁州西湖有詩以寄之

河勢橫斜帶地形碧油旗
旆昔常經驛名未改風塵
黑碑字猶存雨蘚青荐福
寺園林僧杳渺擷芳亭州
渚妓娉婷汝南一值賢人
降分野于今占德星

龍學和寄王元之即中詩
是時龍學在東京

未持馭節去朝元王陞猶
虛侍從班龜洛舊遊天直
上鷄林新句海中間品流
有日歸陶冶逸無時奉宴
閑

鶴馭仙遊何處所軒皇冠
劍在橋山

司馬溫公送

龍學分司西京御史臺

人生榮與辱百變似浮雲
自有窮通定徒勞得喪分
消愁惟有酒娛意莫如文
方文常蕭散其餘何足云

康節先生邵雍字堯夫和

龍學詩
是時在學知開封府

吾家職分是雲山不見雲
山不解顏遊興亦難分日
限夢魂都不到人間煙嵐
欲極無涯樂軒冕何嘗有
暫閒洛社交朋屢思約幾
時曾得略依攀

邵康節又謝

龍學詩時在西京

恩深骨髓為慈親義重丘山是故人歸過洛陽舊遊地
白雲收得薜蘿身

又寄

龍學詩

三十年交舊相逢各白頭海壖曾共飲洛社又同遊脫
屣風波地開懷松桂秋兩眉從此後應不着閑愁

曹司勛詩呈

恩府龍學

曹公諱輔字子方登嘉祐八年乙科官至朝
奉郎守司勛郎中号靜常先生

龍學出鎮杭州日司勛為杭州司法嘗舉之
此生飄泊任乾坤南北東西豈更論萬里欲封防墓土
十年重到李膺門少驚人事時千變盡付羈愁酒一尊
主上思賢厚風俗如公終未老丘園

盱江李泰伯題袁州東湖呈

龍學

萬象城東雅入詩半湖雲靄卷殘輝老瓦惜雨慵離蛭
幽鷺逢人憤不飛岸僻自宜安釣石波清誰礙濯塵衣
使君公退便遊此却恐吾皇急詔歸

再呈

郡藏好景有東湖誰道蓬萊遠無路水底芙蓉謾託根

爭如岼上甘棠樹客來坐見碧波中魚跳撥刺頰尾露
下釣不及呂尚賢明月清風又歸去

李泰伯寄

龍學

衆人皆銳進唯我復幽居慮遠夢多亂身閑氣不舒干
求非祿位好尚豈詩書日夜又日夜霜寒鬚髮疎

洛陽九老祖龍學文集卷第十一

洛陽九老祖龍學文集卷第十二

名臣賢士文九篇附

歐陽文忠公回答

龍學手書

龍學未第時發書求教差人詣洪州投下

文忠公時為戒官次年

龍學第三名及第

脩啟人至家示書一通并詩賦雜文兩策諭之曰一覽
以為如何某既陋不足以辱好學者之問又其少賤而
長窮其素所為未有足稱以取信于人亦嘗有人問者
以不足問之愚而未嘗答人之問足下卒然及之是以

媿悞不知所言雖然不遠敢百里走使者以及門意厚
禮勤何敢不報某聞古之學者必嚴其師：嚴然後道
尊道尊然後篤敬篤敬然後能自守能自守然後果于
用果于用然後不畏而不迂三代之衰學校廢至兩漢
師道尚存故其學者各守其經以自用是以漢之政理
文章與其當時之事後世莫及者其所從來深矣后世
則不能至不至則不能篤信：不篤則不知所守：不
固則有所畏而物可移是故學者惟俛仰徇時以希祿
利為急至于忘本趨末流而不返夫以不信不固之心
守不至之學雖欲果于自用莫知其所以用之：道又

况有祿利之誘刑禍之惧以迂之哉此足下所謂志古
知道之士世所鮮而未有合者由此也

足下所謂文用意甚高卓然有不顧世俗之心直欲自
到于古人今世之人用心如

足下者有幾士則鄉曲之中能為

足下之師者謂誰交游之間能發

足下之議論者謂誰

足下之言高趣遠好善竊惟

足下之交遊能為

足下稱才譽美者不少今皆捨之遠而見及乃知

足下是欲求其不至此古之君子之用心也是以言之

不敢隱夫世無師矣學者當師經師經必先求其意
得則心定心定則道純道純則充于中者寔中充寔則
發為文章輝光施于世者果致三代兩漢之學不過此
也

足下惠世未有合者而不棄其愚時某以為合故敢道
此未知于
足下之意合否

歐陽文忠公又手書上

龍學

修啟自

擇之使還未嘗一得款奉書局之會幸出偶爾遂成鄙

句兼邀坐客同賦雖老拙非上而諸君盛作亦聊記一
時之事謹以附遞致誠當擇之西行猶在齋禁不得
瞻遠寔深為恨暑熱道路不審台候如何惟冀以時自
愛

王荊公手書上

龍學求教

治教政令聖人之所謂文也書之策引而被之天下之
民一也聖人之於道也蓋心得之作而為治教政令也
則有本末先後權勢制義而一之于極其書之策也則
道其然而已矣彼陋者不然一適焉一否焉非流焉則
沉非過焉則不至甚者置其本末求之未當後者反先之

無一焉不諄于極彼其於道也非心得之也其書之策也獨能不諄耶故書之策而善引而被之天下之民反不善焉無矣二帝三王引而被之天下之民而善者也孔子孟子書之策而善者也皆聖人也易地則皆然某生十年而學十四年矣聖人之所謂文者私有意也書之策則未也間或忤然動于事而出于祠以驚戒躬若施于朋友褊迫陋庫非敢謂之文也乃者執事欲收而教之使獻焉雖自知朋敢自蓋耶請書所為書序原說若干篇因叙所聞與所志獻 左右惟賜覽觀焉

王荊公又手書回答

龍學

早學未成而仕：又不能俯仰以赴時事之會居非其好任非其事又不能遠引以避小人之謗詭此其所以為不肖而得罪于君子者而足下之所知也往者

足下遽不棄絕手書勤：尚告以其所不及幸甚幸甚顧私心尚有欲言未知可否試嘗言之某嘗以謂古者至治之世然後脩禮而致刑不脩禮之世非無禮也有所不脩耳故致刑之世非無刑也有所不致耳故某于江東得吏之大罪有所不治而其小罪不知者以謂好同人之小過以為明智者又以為不果乎除惡然後怒者不資此以為言乃某異于此以為方今之理勢未可

以致刑致刑則刑重矣而所治者少不致刑則刑輕矣而治者多理勢固然也一路數十里之間更方苟簡自然狃于養交取容之俗而吾之治者吾人小者罰全大者才絀一官而豈足以多乎上尹商陽非嗜殺人者猶殺三人而止以為不如是不足以反命某之事不幸而類此若夫為此紛々而無預于道之廢興則既亦知之矣抑所謂君子之仕行其義者切有意焉足下以為如何自江東日得毀于流俗之士傾吾心未嘗為之變則吾之所存固無以媚斯世而不能合乎流俗也及吾朋友亦以為言然後怵然自疑且有自悔之心徐自反念古者一道德以同天下之俗士之有為于世也人兼

異論今家異道人殊德又以愛憎喜怒變事實而傳之則吾友庸詎非得于人之異論變事實之傳而後疑我之言乎况

足下知我深度我厚吾之所以日夜向往而不忘者安得不嘗試言吾之所自為以冀足下之察我乎使吾自為如此而可以無非固天善即足下尚有以告我使釋然知其所以為罪雖吾往者已不及尚可以為來者之戒幸留意之報我以無忽

鄭內翰獬行應奉

山陵加食邑恩告詞

龍學知
鄭州時

英考皇帝取飛龍以昇真歲衣冠乎槁下萬國攬涕竭

歟以趨事而一二蒲輔之臣寔奮厥績予嘉尔勞茲有
優數尤圖閣學士左諫議大夫知鄭州祖無擇老于辭
學術之以仁厚而擁節固旧率其所部合力以赴功米
益精密無所漏遺庙拊已安宜疇慶典增國舊封衍之
其食以庸制祿茲非懋賞之公乎

李泰伯寄

龍學長篇

是將龍學
呼秘丞

我本山田人好尚與衆异平生重交遊所得因無幾昨
者應茂才西行觀朝美時當慶曆初選舉寔多士茫
帝王州恹：遠遊子攜錢債破屋乞火蒸陳米戰馬到
即賣僮僕癡難使有時造公卿努力向塵市數步則一

歇長吁乃能起衣冠信頂野言語欠婉媚閤人頷之笑
將命見而避往：得所請蹌：向前跪何能剖懷抱浪
自慕尊貴：人如天神喘息生雲氣野夫等麋鹿芻豢
非所異歸來坐空牕悃悵久不睡塵埃滿鬢髮息惡入
口鼻業已辭吾親中道豈可廢勉待報聞愁憂遂經
歲二年正月晦閑房適假寐有奴來啄門手披訃捧之
刺承命驚下床赤脚誤穿履從來未識面只是聞高第
名顯官且達見我當何為再拜謹就席熟視知可畏昂
：貌甚古崕石掀氛翳渾：氣甚和璞玉無芒銳高談
貫先哲雅意在茲世昔人相遇間一言猶合契今吾于
擇之寧假再三計自此君往還中心蔑疑貳如熱息廣

屢如飢享盛饋君授南康守舟維蔡河溪我館汴之阴
前去路則迹時：結帽帶踞：尋英軌衆人嬌綺羅相
對紉蘭芷朱絃自三嘆笑殺彼鄭衛王命有期日都門
一反袂君行劇鴻軒我處近匏繫曠日及孟秋皇慈始
收試崇：九門開竊：三館秘主司隔簾幃欲望不可
跋中貴當振闌蒐索徧靴底呼名授之坐敗席鋪冷地
健兒直我前武怒足防備少小學賢能謂可當賓礼一
朝在檻穿兩目俱眊眊投笔析所問移時數千字讀書
取大者織悉或靡記多背雖自竒寧當至尊意龍馬驕
大嚮駑駘合羞死量才与揣命坦蕩更何事振衣托歸
舟河流迅弧矢淮清江且平踰月在枕几及過廬山南

不復止
脫二字

不復止詰朝問無言目瞑口齒閉号呶諸孫兒雜沓大
鼎沸嗟哉當彼時誠恐弗可諱醫師相急熱巫覡兩徑
緯藥草極酸辛法術殫恠詭薄暮乃復蘓踰旬僅知味
方茲恋庭闈旋已對獄吏試言其所由内省亦無媿有
人同州問發迹自徒隸窈彼儒衣裳曾止小材技突如
游京邑欲以干明睿朝家焉可欺羈旅謀自濟乃造黃
紙書便取青袍衣乘船歸南方歛板謁當位自言章奏
竒目籍宦官勢詔文降自中宰府不預議既然能占天
且曰善興利江淮一經過郡府十不啻列處爭逢迎莫
能思處置轉運苦愛竒得之如國器故使按坑冶庶可
長才智小人靡忖度假寃愈放肆行符索吏卒圈印發

傳通閭閻望塵拜州縣從風靡遮道結繒絲鋪筵寒味
翠車騎前後呵給使數百指何者為典刑獨自誇瓜紫
在昔秦無人統朝贈之筮策繫我非奪瞽碌：寧不耻作
書貽諫官奸詐患不細有詔令逮捕按驗取其偽是天
知計窮誣我以罪戾上官猶眩我準例皆拘係幽：固
犴中憤：爭競裡周旋二千日乃克見巧 畫地尚不
入叢棘曷可寘惟茲謝吾母幾不全髮體教道亦難行
凡庸豈同志吁哉養英材徒以釣積毀篋書歸敝庠
門任燕穢去年仲夏後盛暑若火熾郊園有餘爽蔬果
聊可嗜時復覩田疇畢力奉耘耔人生但飽煖此外皆
淫侈思非一日欲去無双翅俄聞迂黃州又說丁喪制

思此句內
聯一字

古來聖與賢誰不遭醜詆蜀日駭狗犬夏鼎愁魑魅人
壽有短長孝子謾憂思滅性經所貶節哀禮為是矧夫
王佐才簡在唐虞際揚名以顯親報德豈不諱加飯苟
如願蒼生犹有恃適時匪我長才朽乃所擬道義果勿
充富貴反為累回憲本無官桀紂焉得比俗子但相非
吾心已居易近者遊葛陂念君在襄泉作詩布出懷讀
之勿嗤鄙

龍學修袁州學記

本朝慶曆中

詔天下郡縣興崇學校皇祐五年

龍學自廣南東路轉運使移典袁州下車之

初迺議改學次年至和甲子學成盱江李泰伯撰記刻石以識其事京兆章友直篆額河東柳洪書世號三絕熙寧元豐間館閣第天下學記以袁州為冠

皇帝二十有三年

制詔州縣立學惟時守令有哲有愚有屈力單慮祇順德意有假官僭師苟具文書或連數城亡誦弦聲倡而不和教尼不行三十有二年范陽祖君無擇知袁州始至進諸生知學官闕狀大惧人材放失儒教闕疏亡以稱上皆通判潁川陳君侁聞而是之議以克合相舊夫子廟陘隘不足改為乃營治之東廡上燥剝廡位面陽

廡材孔良殿堂門廡黝堊丹漆奔以法故生師有舍庖廩有次百尔器備並手借作工善吏勤晨夜展力越明年成舍菜且有日盱江李高宗廟諱諗于衆曰惟四代之季

攷諸經可見已秦以山西鏖六國欲帝萬世刘氏一呼而閉門不守武夫健將賣降恐後何耶詩書之道廢人唯見利而不聞義焉耳孝武乘豐富世祖出戎行皆孳孳孳術俗化之厚延于灵獻草茅危言者折首而不悔功烈震主者聞命而釋兵群雄相視不敢去臣位尚數十年教道之結人心如此今代遭圣神尔表得矣君俾尔由庠序踐古人之迹天下治則揮禮樂以陶吾氏一有不幸猶當伏大節為臣死忠為子死孝使人有所賴

且有所法是惟
朝廷教學之意若其弄筆以徼利達而已豈徒二三子
之羞抑為

國者之憂此年寔至和甲午夏五月甲子

袁州教授童宗說字夢弼春祭

祖龍學

龍學祠元在州李右庶之前郡庠時祀之偶
坐而配饗者通判陳君侁也

維紹興二十九年歲次己卯三月丙辰朔十有一日丙
寅迪功郎充袁州 學教授童宗說謹率在學諸生以
清酌庶羞之奠祭于

前太守龍學祖全之靈

公學為儒宗政為吏師所居民富所去見思
皇祐五年來刺

有文翁闢有常衮千載相望壅培道本迺築新宮祠韓
退之山斗昭揭俾民不迷乃設經帷延李泰伯勒記在
堂其光有赫乃修賢墓表鄭都官忠厚之教如珠在盤
乃開東湖立廉遜亭遜亦作巽造次顛沛率人以誠既作泮
宮既多受祉報政還朝潤澤豐美遺愛迄今百有七年
所憇所爰甘棠在焉士民思
公若慈父母雨露既濡選牲為酒僕忝教官再拜祠下
荐以馨香配以別焉

公芳少由猿春鶴秋無我數遺此邦是府尚饗
張尚書字定叟重修袁州學舍菜祭

祖龍學

尚書移其祠在州學講堂之西郡庠亦給尚
書生祠與

龍學祠堂俱為學正孫瑾代作

維淳熙五年歲次戊戌冬十有一月庚申朔初二日辛
酉通直郎叔發遣袁州軍州事兼管内勸農營田事張
杓謹以清酌庶羞之奠敢昭告于

建學太守危存祖公之靈惟

公蒞政詳明富學粹深皇祐五年來自禁林環瞻李官

地隘于偏至和甲午乃克定遷生徒居西祀宮其東殿
堂門廡屹然邃崇歷載深遠圯陋勿治代或更制寔違
雅規士莫振耀喟然永歎豈無伊人孰意在泮杓視事
三日肅躬祇謁碩視迫陘惕汗背決迺議徑制一新輪
奐緬想遐風頓還舊觀工既畢事禮嚴舍菜載繪遺像
雍穆如對迺立

公祠迺頌

公德邦人之思是儀是則由今視古忝繼邦後作新斯
堂以詠所發率僚告成諸生在庭酌以清酌薦以惟馨
公靈所之星辰河嶽願言來燕以開後覺

尚饗

洛陽九老祖龍學文集卷第十二

洛陽九老祖龍學文集卷第十三

家集

祖仙傳

華山鄭隱撰

祖岳字景山別字伯高其先深州安平人父諱仲儁任許州觀察判官在職有能名開寶中太祖召拜右補闕通判成都府知賀州廣南轉運使久之以疾免居于許岳幼喪母哀毀過于成人年十三讀書尤嗜易與長子及長編覽列仙傳葛洪神仙傳陶隱居真誥超然有出塵之志乃白所親願不婚娶補闕卒岳哭泣晝夜不絕声水漿不入口者七日親友強以淖糜乃不減性

服除舉進士不利于春官氏一日有白衣書生詣之此
與語儒學之事相得甚歡終夜不寐他日復來書生謂
此曰現子神氣秀異可以絕風塵凌烟霞無矧于儒
學當思脫世俗之累為佳此曰少有志焉病未能也今
日之遇先生非天之所啟耶書生曰子能從我遊乎此
曰父母既棄養矣內無妻孥之累何往而不可書生亦
未之信也言訖輒去或經旬或踰月一未此事之弥謹
書生屢與之期此未 愆素書生見而益喜且曰神仙
惟有志者可學子能如此可以學矣此問書生曰先生
何居乎書生曰我所居非遠又問果何處曰王屋山此
初得辟穀之術不食者三年聰明強記日甚一日顏貌

潤澤見者異之後與書生偕入王屋山居數年從兄岳
通判河南府會王屋縣宰與補闕有舊因託訪之延致
公館見岳曲尽兄事之禮贈以衣服等物正取淨巾一
條餘悉不受每宴坐靜室終日不語好為五言詩多述
神仙事已而輒焚藁或問山中何以度日但笑而不答
住幾月不粒食惟日飲醇酒數升而已時岳方出此謂
門人令狐圓曰兄非晚當有內艱吾不可久處此今往
矣寄語吾兄善事太夫人無以弟為念終三月岳果丁
母憂既去乃入華山時有人見于懸崖峭壁之間如
履平地少年追躡不及遠而望之見其入石室中此至
其處則與石室俱不見矣景德初成都道士謝又玄遇

于峨嵋山下又玄善飲酒此相與詣酒家飲七日不歇
又玄極困憊此略不需醉吟嘯自若俄覺異香氣氤裊
人遂探懷中出一物如碧玻璃其大如橘以授酒保揮
手謂又玄曰爾其往哉吾亦逝矣又玄將別再三問此
名氏答曰吾祖伯高也俱出酒家行十數步又玄回首
已失之山下之人謂之祖仙後莫知其所終

熙寧元年春三月從孫無擇立一石

跋一

予嘗讀九天生神章迺知為仙之道豈易然乎或名在
僊籍或骨象合仙或轉輪終歸仙道其致一也要在養
其氣存其神保其命固其根世人不知此故中道大忘

深可憐者

祖公宿種善根長而不娶又神氣秀異有志于道豈骨
象合仙者乎書生異人也故與同隱王屋山絕風塵凌
烟霞後入華山時有人見于懸崖絕壁間如履平地
非神存而全者能若是耶予老矣每覽真誥及神仙事
跡未嘗不掩卷歎但骨凡氣濁莫能繼踵于前人所
可喜者比遂退伏得放浪于山水間採芝餌木以終天
年亦無恨矣 將仕郎祖護以

高祖石刻示予可跋其後故書其略云時紹興癸丑季
秋二十四楚山道人蘓覺尹道書 川中蘓運使是也將
祖德恭之子也
乃護之高祖也 仕是資州朝議大夫

跋二

祖伯高少有超然出塵之志長與^異人書生遊已而仙去後

從孫尤學公紀其本末刊諸堅珉以傳不朽今夢傳宣教伯高從曾孫也遠示傳刻俾跋于後披卷仍覽賢師蘓公先生題字歷陳為僊之道蓋亦盡矣濯晚生後進性資凡陋徒仰

祖仙之清風欽詠 蘓公之辭翰又安敢形容其万一

哉紹興癸丑初冬二十有五日雒陽王濯再拜書

夢傳護之

字也別字吉于

跋三

世之訛^亂學仙者以為繫風捕影是徒斥其末而不究其本矣文成五利少君乘大矯誣恠誕者此固有之廣成安期赤松羨門飛升延永者果可謂之無耶故瀨鄉記記得仙之法凡三十六會真記論成道之門總二十五碩性質學術積累功行如何耳孰謂仙不可致歟祖仙傳懿行炳然固有明證足以間執訛議者之口俾世之人洞然勿疑

龍學祖公以其傳而刻之金石闡耀遠祖之景錄功亦懋矣紹興乙卯三月一十四日祥符李平仲題

跋四

葛稚川著內篇論神仙事甚詳其門人滕升問曰先生

云仙化可得不死可孝古之得仙者豈有其人乎遂歷
叙數十百人為之傳以告之則神仙之有無固不可以
臆度也現

祖伯高與異人遊且謂其神氣秀异可以絕風塵凌烟
霞其後卒以僊去此稽叔夜所謂特受异氣稟之自然
非積孝所能及者秦皇漢武終身求之而不得又吾儒
力詆其說有係風捕影之誚皆中庸之論愚于祖仙
盖有感也鄉人秋卿同官昌元乃伯高裔孫暇日以
龍圖公所書傳見示因識其末紹興己未二月中醉日

河南席登

護為昌州
司理日

跋五

道家言比干曾參並為仙官故知忠臣孝子誠貫天地
必享不亡之壽彼端以煉形服氣經申之術求出世者
亦勞甚哉

祖仙傳載其童子時居喪為聞孝至七日不勺飲又以
事親勉其兄

龍圖公泰山先生之門人故其所立石有補于世教海
陵查籥元章書荆南查運
使是也

跋六

世以儒道釋為三門殊不知仁義清淨圓覺其歸于一
揆特其所人之異耳觀

祖伯高天性孝悌神氣絕塵盖其根器深遠心与天遊

故能躡虛超詣如此彼黃冠方士朝夕整衣焚香區區于散葉書符呼吸納而流浪于利欲者乃曰我欲學仙吾不信也紹興丙子三月十二日莒山續感宜都燕居軒書續吏部是也嘗師京南後為茶馬都大乃荆甫狄密學之培与祖護

跋七

白居易有言以儒飭身以道養壽誠哉是言也

祖伯高幼嗜儒學及長脫俗遂為神仙中人飭身養壽始終如此居易之言伯高其得之淳熙丙申正月十七日高平范炳文晦叔書

跋八

安陸連壘恭楹淳熙三年季夏朔連邵州是也安州應山縣人顯謨閣學南

夫之子庶之姪孫庶字君錫昔日龍學与歐陽參政嘗同荐舉

跋九

祖氏素稱名族代生偉人至于君則為列仙蓋其積德有自来矣夫傲睨烟霞批糠萬化曼閱千載猶一朝夕此豈今日慕仙者可得夢見哉伯王自情溪載華山隱者所作傳來三復舊刻不能釋手俛媿塵滯感嘆交作淳熙六年八月一日東萊蔡武子書于江陵城西羅臺僧舍伯王奎之字也資州朝議之孫衍之族弟也其奎之諸子今居荆南清溪

伯王疑是伯玉

洛陽九老祖龍學文集卷第十三

洛陽九老祖龍學文集卷第十四

家集

狀元紫微始末

公諱士衡字平叔侍郎第四子十八歲殿試狀元及

第因有官移為第二人是時試清明象天賦明徵定保
詩盛德大業論祥符九年也尚書李宗誦之壻後娶太
師向文簡敏中之孫女唱名日文簡在

殿上拜謝歷秘書省校書郎戶吏二部郎中右正言直
集賢院同修起居注右司諫同提奔在京諸司庫務
向文簡薨恩及外族例加一官特授起居舍人晏殊行
制詞有告存焉錄之于後天禧四年八月除知

制誥乾興元年七月出知吉州任滿歸京天聖中奉
勅撰向文簡神道碑銘卒享年三十六有西齋託記一
冊姪孫德恭任資州太守日嘗題跋云每覽叔祖話
記乃見編次有序記述甚詳其間告戒亦有深意使人
讀之當銘佩其言不可遺也書於資中郡舍坐嘯堂時
建炎二年八月初四日也其餘所作之文頃遭兵革散
失而僅存一二今編而次之略見其大槩云

起居舍人告詞

勅故左僕射兼門下侍郎平章事向敏中孫女壻朝散
大夫行右司諫直集賢院同修起居注同提奔在京諸
司庫務司上輕車都尉祖士衡早以雋名擢于上第上

文合雅繕李宗經登冊府以紬書佐地官而治賦亟升
華貫絙著時才眷吾輔臣惟尔外族奄茲淪謝增用憫
傷爰降寵榮及其姻屬特迁史秩無忘欽承可特收行
起居舍人時尚書戶部員外郎知制誥太子舍人臣
晏殊行天禧四年四月日下

紫微撰西齋話記共三十五事

蔡州褒信縣有文秀才者名宏惟夫婦同處不知其甲
子者舊見之約八九十年矣容貌常若五十歲
人去邑城十數里有田百餘畝歲自耕耘力不
懈凡春秋田率只種一色是歲所種之田例必
倍熟凶年亦獨有收而多辟穀歲所得常募

里中尤貧乏者輦負就寄其家約日與之饋粥之費以充傭直鄉人服其義勿之欺也久之人遷一處凡不數四即並盡矣未幾復如之未嘗言事未嘗于人或有疑其有道術輒哀祈之者乃迂避遁逃或旬月或徑歲不可見矣大中祥符初今太府少卿蔡汝典郡下車之日首命牙校邀之言前守眉州遇青城隱者託以達信堅為牙校所迫不得已偕至郡齋每行必杖策先其牙校牙校鞭馬逐之不能及相去常百步許蔡卿盡禮迎佇略無苗意台以化民之道修身之術對曰六籍載之備矣外復何求承間訪以黃治之事笑而不荅數日求去蔡卿欲厚遺之悉無所受既歸故居語其鄰党曰吾將遠遊亦未期迴日幸自各努力也一日挈其潛者去于今莫知所適耳

太平興國中相國清河張公齊賢為江南轉運副使河南向公敏中通判吉州有水軍小校彭仲女者善表許之術言二人皆當位極人臣富貴而復壽考張先升而不久其位向次得而最耐後向比之張官較一資壽少一歲既而二公果相繼登庸張終于司空致仕年七十三向以左揆終于相位年七十二

國史補云蜀人織錦初成必濯于江然後文采煥然今則不然矣未知何以言之

翰林李季士宗諤休澣與子弟家讌有太常丞劉仲宣是日預會酒酣因探題聯句或徵故事為令以俗語捉對李氏諸子中昭述者時年十數歲飲酒先醜顏而劉丞思苦抽軋與徵改頗有難色偶顧昭述欣然得句云三杯酒後眼精赤述應聲荅曰一度令來唇口青

太祖之御極也忠懿王錢俶親奉職貢以修藩臣之禮禮成辭歸面叙感遇俛伏流涕且曰願子孫盡忠盡孝

太祖曰但盡我一世盡尔一世子孫亦非尔所可及也

予姑程氏孀居誓志携其孤幼來依先大夫淳化中先大夫任通判河南府姑嘗染疾沈劇久之方愈忽夢有力士十數持符扣門追揖甚急將行十許里至一大城入府署中見一尊官據案洪事左右侍從甚嚴肅尊官云此人且去命授與白絲一結今日數一莖數盡即來至咸平三年先大夫棄養予奉姑氏寓居蔡下是歲姑復夢向之力士追揖洎往見尊官復遣于還一與前無異而再以絲授之其大一箸許終踰月而姑

淪逝

祥符乙卯年馬亮侍郎知荆南罷赴闕語朝士云在任
 日一日午際有一道流詣郡署求相見闈者以
 視事才退請謂非時固由少頃以須府公再出
 道流曰故知潭州劉師道學士荐某求見馬侯
 劉已為衡山北門侍郎矣今日礼上某適赴會
 退而來此闈者方驚訝其言忽失所在

三司林侍郎特言咸平中為殿中丞判戶部勾院奉命

京兆府與府公張侍郎詠時為戶刑部同定監法張延

於解舍忽一日絕早相過云夜來夢一大寮經
 由召書吏修刺通謁書吏未至亟自染翰泊畢

視之乃誤結銜為礼部尚書凡三易之而皆復
 然莫知何祥也後十三載張竟終于大儀

龍圖閣待制李行簡言隴川道士曹若虛者善鑿尤得

鉄砭之妙術里有寡婦再適人遇疾且卒經日

而心間尚暖家人因奔詣若虛哀祈一徃庶几

可救若虛既至熟視之且止其哭泣引鍼之之

即時而蘓良久乃能語云始都若夢遇故夫相

隨出部外故夫姓宋遠歷郊野橋梁復入叢林

草莽輾轉不相捨俄而故夫為一物刺中其足

不能履步由是獨行忽若夢覺尔郡人競訪若

虛詢之若虛曰向之所鍼乃黃帝鍼入邪穴也

若虛伯今尚葉奉御姚可久之師耳

予先人敝庐占數蔡下郡人有与家兄遊者忽夢有人自京師至言科場事其人問祖家二秀才安及第否荅曰已成事人問三秀才士龙及第荅曰滯他不得其人曰滯他不得是何言荅曰先食祿時天禧二年也來春二兄長果策名而遭拘選限三兄長不利而歸都不測前夢何謂矣秋九月予自小諫迂中諫長冬天子有方望之事得以三兄長之名上奏恩補右職即時受俸乃思已成事滯不得先食祿之言不差矣

太尉文貞王公左揆文簡向公並久在相位以疾以年

累乞罷退上悉堅不允前後抗章非一至遣中使傳宣閣門道進司不得受二公表狀君臣終始恩顧近世罕及也

內殿承制鄧雅有後將命四方自題姓名云登邑誰不言安牙在左邊郵亭旣置往有之

戶部郎中直集賢院石中立性詆諆累居許省同列多罹其善謹戶部判官上官似因戲曰石君万君何人奉奈口何石應声曰下官口何干上官似事又初為禮部郎中謁謝時執時執戲之曰今為正郎莫須不同自前也石曰某雖塵忝此可改常况告勅之內並明言之時執因問告勅內

何言也石曰可授尚書禮部郎中餘如故

孟氏在蜀末年因除夜自書桃版云新年納餘慶嘉節
号長春是歲果王師受降以呂餘慶知成都長

春即

太祖誕節之名也

內臣張繼能頗知書嘗摠戎兵于靈州屬戎寇圍城徑

戈不解繼能作詩云夜聞塞外鈴声苦曉聽城

頭角韵哀不是感恩心似鐵何人肯向此中来

金陵瞽者王光贊聞人言音知其貴賤休咎号为王聽

声太平吳国中 先大夫為贊善知句容縣時

故叅政蘓公甚貴易簡初命將作監丞倅府事

光贊言蘓公甚貴若年過四十即爵位不可涯

也至道中 先大夫為尚書外郎通判淮陽蘓

公以春官貳卿自鄧移陳方年三十九强盛無

疾晨接賓僚方退踣于廳事之後俄頃不救時

十二月矣前去四十不累旬也因思光贊之言

一何神耶然聞其尔後言事則稍曾矣

執金曹翰自方鎮黜居環列尝為言怀詩有曹曾因国难

頒金甲恥為家貧賣宝刀之句頗為時人所許

庶使錢公若水善知人太尉王公旦始直史館錢已同

知樞密院每見而歎曰王二他日窮極富貴世

無與比翰林學士李宗譚新登第大有声望皆

稍之下似
脱一字

謂可繼其先相國之躅錢公云李王文行何官不作而恐不滿五十歲咸平中錢為工部侍郎知開封府李與梁顥趙安仁並命堂誥錢云三舍人將來皆不及趙其後李梁並終翰林學士諫議大夫李年四十九惟趙叅預政事官至右丞壽六十一

廬山遠師結社之所東林寺有池極大每歲芙蓉盛開之際而今之郡人洎鄰境士庶以八月一日為期競集于太平吳國觀捨施甚多号为蓮華會而都不露二林矣王事僧但自以常住飯兩寺緇褐為遠師作忌日齋尔

因字下疑脫
詞字

大貂武惠曹公彬盛德殊勛冠于當世而謙退謹靜稟之天資嘗因侯对處于内殿幕次導從悉屏于他處盖畏人知也俄有使臣数人率銜命外方未尝識公者因牽簾而入一揖而坐各恣談咲久之因公曰賢甚處得替来公不得已曰青州得替又曰合入遠近差遣公曰遠近即未知復曰彼此班行何消藏机應是已有好勾當處又曰果然是果然是乃問取位公曰某即樞密使曹彬也聞之並狼狽奔竄而去曹公未尝形于言而京師尋悉知之盖其中自有以語人者

此田胡員外寂言四十年前有供奉官楊忘其名乃節帥

楊義所謂楊庭之弟為湘潭巡檢年甚少因至
子殿前也衡山乘馬入司天帝祠庭又于諸殿焚香不甚
 恭肅及出門墜馬而卒後有夜見被甲持戈步
 遠繚垣稱為巡山使者今之祭醮衡山者皆設
 巡山使者位即其人也

真宗好文嚮孝孜孜不倦祥符天禧之際宸章睿藻宣
 示臣下者不間于三五日自宰執至貼職於三
 館者皆得預廣載刑部員外郎直集賢院梅詢
 出為陝西轉運使奉辭之日向奏乞遇有聖製
 欲令勾當三館中使劉崇超錄本附遞至治所
 庶得和進恩旨從之

祠部江嗣宗郎中為夔州路轉運使奉語討谿蠻平之

獲先被掠生口千餘人有谷伴勇者江陵松滋
 人也始年十歲為蠻人所驅入山洞間見本邑
 鄰居夫婦抱一子纔周歲亦在劫中以其夫
 婦潛謀遁歸並殞于白刃之下而棄其嬰兒伴
 勇即收之而行得在一田斫家蓋其官號也充給
 使伴勇養視其嬰兒甚至日食以山果或火食
 之稍甘脆者出則以布襁負之田氏亦怜之而
 不害也凡四歲而挈之以歸得各還其家噫董
 子而知為仁義也

叅政趙侍郎安仁言故兵部員外郎直史館陳充淳化

中嘗染疾一日恍惚若夢中被人召至一府署
中云命為山林主者掌世人之先代亡靈久未
生者登廳據按僕使史胥至多簿書委積于階
充甚駭焉意謂已死矣左右云不妨陽間掌
事但不可洩于人尔因問充之先代何人尚在
忙左右曰並已受生又問妻族何人尚在此亦
曰已受生矣因問馬家何人尚在此左右曰有
叔姪數人未得受生充曰何故也荅曰為證口
古事未了馬氏者蓋充之內子前夫之家元固
不知其家世既寤亦不敢言之俄而疾愈因暇
偶與內子言馬家骨肉為事何若荅曰亦皆如

忙字當是
此字

常因語其性善惡荅曰餘無他但諸子或忿爭
即好于星斗下焚香作呪誓充默然心知乃言
口舌事驗矣充自尔每月率三兩次如夢寐中
至冥間泣戢積一歲頗厭怠之具慮久而不祥
乃與親友言之由是不復往矣大中祥符初始
以疾終

叅政又言應奔時素未嘗至中書也而忽夢入一公府
升堂皇而決事迴顧堂後室中有四婦人並坐
既寤思之都莫曉矣尔後由翰苑叅大政赴本
廳上事泯然宛同昔歲之夢而凡四娶焉

狀元梁固予之朋執也天禧丁巳歲三月遇疾而逝予

往弔之有女使如王者卒然而偃仆于服舍如中風眩之狀因作靈語如玉人而言音酷類狀元狀元汶上人也且戒家人曰勿用悲啼吾到此極快樂已與先內翰相見冥間喜吾至錫賜甚頻又得第宅在田器四鞍馬僕從近二百人今為陰山諫議矣汝輩凡上食曉錢須呼陰山諫議我方領之或遇号哭即言李士恐外人聞之以為笑也又予与石中立集賢怡議于外將共出俸錢以充喪事如玉又于室中云可自貨却馬更家間收什亦恐得少許國家恩賜足以了得送葬不必更煩祖石二學士也俄而中

使傳宣賻錢百千羊酒等及貨馬自餘家資果能營辦又曰可掃廳安椅子刘筠舍人來矣食頃紫微至又曰後事並託祖學士然正字年小且與撰遺奏懇切陳乞正字名述狀元之弟亦合得五貫俸錢且相兼支用因思正字未有料錢若是改轉大祝奉礼厥俸數亦不同表既上朝旨与在京差遣得監鑄鑄務特添支錢伍貫文既擇日小斂家人出銀器數副將置壽木中予以恐人之所覬覦因徹去之家人並不知矣如玉又曰祖學士不欲以銀稜椀楮入棺何不換三兩副素漆器著時候狀元堂弟名逸会葬未至雖閣

棺尚未施釘如玉又曰有一物當面甚為妨礙
啟棺視之乃有贈作綵一束橫在面又如玉素
不識書因索茶狀元素好事惟起坐自開点
啜一甌訖依前封之命筆題署一与狀元同于
今尚在類此之事甚多皆不可測凡三日而愈
若酒醒者自云不記矣

海州觀察推官韓炳言嘗為隴州從事會知成州屯田
員外郎劉保衡經由召食不食葷肉因語在郡
日有屠者宰一豕既去毛而奔體有黥俱若人
之文身者眾聚觀之中有一鼓刀之士慘然曰
此某之兄也死且二歲諦視所刺魚尾之狀宛

然及有文字歷之可驗乃以善價贖而瘞之此
家遂罷其業保衡感是而不御肉

相國上谷寇準始平馮公極唯不為礼部而皆徧歷吏
兵户刑工部尚書叅政天水趙公昌言亦不為
礼部而徧歷五行侍郎相國廣平宋公琪自諫
議拜刑部尚書叅知政事不歷丞郎給舍太原
王公欽若自學士左正言拜諫議叅知政事貳
卿臣公祐之自右史掌誥拜諫議並不歷郎中
員外中憲趙公安仁自學士工部員外郎拜諫
議叅知政事內翰梁公顯自司諫掌誥拜諫議
户部使中憲劉公筠自學士兵部員外郎拜諫

議副翰晏公殊自李士戶部員外郎拜左庶子充職並不歷郎中

僧贊寧者頗有李罔近代罕有其比者僧史言今之車駕前中使乘馬擁抱以綉帕覆之者俗指為駕頻贊寧乃云其中有人王經一部蓋不知而妄作也此乃大朝會時殿中御座尔其形如扞子予讀高僧傳有杯渡者不知名氏時人莫測之但見以木杯渡水因以自之今其傳因事當指名之可云師或云和尚或以杯渡兩字呼之亦可辨矣而乃十餘處全只稱度似寔單名者此誤為矣亦猶今之鄙俗有談開元天宝時事指明星自

稱宗者可絕倒矣

阮都官中度言陳詢為太子中允嘗夢人語之曰尔之官止于此矣既寤甚惡之而不敢泄後迁太常丞方以語其妻翊日染疾而逝

宋尚書白為貳卿日嘗夢于一水邊見一人立于水南其人隔水輒拜白曰素不與足下相識何故下拜對曰無咎拜某是將來狀元侍郎即將來主文也後累年尚書果為侍郎主文以王世則為狀元及瓊林宴日視之狀貌乃昔夢中所遇人也因問其方來則曰某湖南人也

王叅政化基未及第時常于齋中晝寢甚美忽為鼠嚙

其指覺而遂起良久寢所墻倒自是家中不令
畜猫惧其殺鼠也

古人作詩引用故寔或不原其美惡俾以一時中的而
已如李端于鄧暖席上賦詩其驚句云新開金
埒教調馬旧賜銅山許鑄錢善則善矣而鑄錢
乃比鄧通尔既非令人又非美事何足笑哉大
凡用故事多以事淺語熟更不思究便率尔而
用之徃有悞矣只如李商隐路逢王二十八
翰林詩云定知欲报淮南詔急召王褒入九重
漢武帝以淮南王安属為諸父善文辞尊重之
每為報書及賜常召司馬相如等視草乃遣褒

是宣帝時人迹者王禹偁作荀詩亦云稚川龍
過頻迴首認得青数代孫稚川即葛洪之字
投杖化危乃費長房尔盖是使葛陂之事此乃
不思之由又孫僅傳岩詩云刑人一旦起幽深
功業煌煌照古今且傳說已非刑人盖當時有
胥靡修築岩道而說在困約中代之以假其資
是為胥靡傭賃也豈可謂說為刑人哉

廬山者按山記并郡圖言匡廬山本周武王時有匡續
隐居此山學道歲久屢徵不起仙而上升至王
時以其結廬之所賜号为匡君靖庐山今山下
有匡先生庙存焉乃匡庐只是一山也近張景

禮音集 卷一四 十四
匡先主詩叙引葛洪所授五嶽真形圖記云黃
帝署廬山為使者是黃帝時既有廬山又取張
密廬山寔錄云因廬水而曰廬山也是山本名
廬而因續曰匡也唐李衛公望匡廬賦序曰望
匡廬之二山則不指其所出莫得而詳焉

洛陽九老祖龍學文集卷第十四

洛陽九老祖龍學文集卷第十五

家集

紫微祖士衡字平叔

撰呼延告詞加食邑乾興元年二月日

翊衛雄勇功臣捧日左第三軍都指揮使銀青
光祿大夫檢校工部尚書使持節高州諸軍事
高州刺史御史大夫輕車都尉永安郡開國侯
食邑一千一百戶呼延必顯

朕奉馮几之訓言肇登宸極眷執戈之營衛時奔徽章
庶使勞臣有以知勛惟尔名登勇爵志達善經居然御
衆之林蔚有訓戒之效入奉周廬之警出嚴杓服之容

純誠可嘉茂渥宜及增其視品進以爰田勉報朝榮惟
忠与孝可特授檢校礼部尚書使持節高州諸宣事高
州刺史兼御史大夫依舊捧日左第三軍都指揮使加
食邑三百户寔封一百户功臣散官勛封如故

大宋故推忠洽謀守正佐理功臣開府儀同三
司行尚書左僕射兼門下侍郎同中書門下平
章事充 玉清昭應宮使昭文館大學士監修
國史上柱國河内郡開國公食邑一万二千七
百户食寔封五千一百户贈太師謚曰文簡向

公神道碑銘

朝請大夫尚書礼部郎中上護軍范陽縣開

國伯食邑七百户賜紫金魚袋臣祖士衡奉

勅撰也士衡乃文簡之孫壻

臣聞麗高窮者萬象而斗魁制其中高宗廣厦者衆材
而棟梁任其大民惟后而斯戴后非臣而罔又天地裁
成之日 二萬机聖賢会道之期旦暮千載若乃自天
生德業時奮庸守正以持平宣猷以敷制切廟當世之
務嘉靖有邦之正便藩帷宸繫丙魏之同心照爛簡編
与闐散而争烈者其惟元宰河内公乎公諱敏中字常
之其先宋左師之裔也後世徙居大梁子孫因家焉曾
祖萊國公諱貽孫祖許國公諱載烈考曹國公諱瑀皆
贈開府儀同三司太師尚書令兼中書令而国爵之命

凡五迁焉密印泥書輝映里門曾祖妣張夫人祖妣孫
夫人妣史夫人以韓魏晉三國申追封之典善慶之來
斯遠哀榮之數兼極曾祖而下皆感槩世故優游天爵
諸侯不得友万物莫能迁鄉里稱為善人子孫宜有達
者而先曹公器局闕廓志行潔修好聚圖書多交賢俊
位匪充量福成有基公生恰貴祥切懷夙智山庭月角
特崇千竒姿天球河圖居然于重器始就外傳文藻日
新先令君治家尚嚴知子為美嘗謂史夫人曰大吾門
者吾見也勿漏吾言恐墮其志寓居近市過往踵門有
若儒生適至傍舍覩公風骨視正行遲因与鄰母言稱
有宰相之器俄失所在斯足異焉繼喪二親善君得礼

比至除变四壁蕭然載逾加冠之年始赴命鄉之奔太
平吳國五年 太宗親御使生公以進士高等面賜登
科一命將作監丞同判吉州郊祀之慶迁太子右贊善
大夫故司空致仕張齊賢時司外計囑 公治狀 璽
書褒之九年代还迂著作即覲見之日奏事稱旨選于
三司戶部判官賜五品服未幾為淮南轉運副使前此
泣賊率尚剛决析毫定制破枉求奸 公獨不然取一
警百甄明吏課勤恤民隱屬有言 公况雄多大略可
備文武之用者驛石且至將以八作使處之非所好也
慷慨得免翌日繕寫平生筆述献于公車亟乙牘以回
現固每篇而稱善得直史館遣還治所耕籍思超迂左

司諫入為戶部判官明年以本官知制誥賜紫當是時也堯日光華安、為德周家忠厚郁、成風疇咨之命亟行潤色之文尤重 公以雋望躋于禁垣發揮大哉之言裁成坦然之制稱職之美僉論歸之佻同判大理寺有妖尼道安者誣告庭列時諫議大夫張公去華任京府判官寔 公之外舅 公撫疏請不預決讞 詔即許之既法僚悉惟謹黜好事者因定 公 避嫌疑猶涉黨援 上惡其言不獲問狀俾罷綸閣出知廣州求對清閒之燕罄陳感恋之誠今之此行非敢憚遠幸生于京闕期瘁盡于國家言發危心漉然泪下天子感動愍默久之且留公業又不可詔迂戢方員外

即以申獎任之意南粵 旧邦為一都會重溟伊迤蠻蜒之人雜居百貨所叢掌握之珍可當控提封之五管嚴守府之萬兵 公之至也閭里懷恩如得慈母堂皇決事号為神明暮月有成淳風革于殊俗異代相望清節迈于古人逾年就領廣南東路轉運使寄任誠優風宜且異力耕火種田農之利益微草伏木棲物恠之名斯眾跋履山川之巖道推行米鹽之細務辨官屬之能否齊市賈之貪廉遠民悉安列國胥化 太宗察前咎之無狀惜傑才之處外詔还且以為工部郎中一日宸華作飛白体書 公及故礼部尚書張公詠之名以賜相府詰朝二三執政進对 上曰斯二人名臣也卿頗知

之乎左右因盛稱其才 上大悅 公既至即拜樞密
直學士與張公並命為銀臺之制存乎李唐近代以來
歸之樞府 公嘗援引典故請更設一官局即詔與張
公同領之上書之有六体得以裁評施令之告四方此
為閔決出納無壅 朝廷賴之陟降左右以益親從容
言事而甚衆復有決 公任廷尉日有國子博士皇甫
偁掌無為權務以賊抵罪受其私禱為之未減事下憲
府乃偁嘗寓題尺笱公不啟緘亟遣持去別詔即訊一
介尚存納書竹中瘞子傳舍穿掘斯獲封識宛然飛驛
以聞 上驚嘆即時召見慰勞久之公頓首對以感念
非常雖死無報今此一節本畏人知飛語傍連乃至上

達非遇覆盆之照將與投杼之疑詞直氣和

上為傾聽心則不競几困于多言道之將行弥隆于乃
眷天其或者以是開之是月拜右諫議大夫同知樞密
院事不十旬之間由外郎之秩迂擢之速當世罕偕甫
再見而拜趙卿未滿歲而得漢相用才之急從古而然
惟公舊屬亨辰發舒盛業道合明主澤及生民訐之三
賢魯何足數時淳化二年季秋也至道初迂給事中真
宗即位之始 公適在假告力疾入謁得見東序君臣
感咽悲不能勝徐奉應安俾即親事進封戶部侍郎會
陽曹王彬自鎮海節制入為樞密使以公為副西北二
鄙烽烟未寧遣戍勞旋魯無于虛月我謀制勝爰在于

中堂而公智本夫室略不世出為國遠慮咸有告于
徽言惟帝念切盛推于寇數威平元年拜兵部侍郎
即叅知政事二年冬疆表犯塞革輅省方詔公兼知
樞密院事壁壘朝行儲胥夕舍出入延見動靜咨詢選
將練兵戒器蒐乘机事尚密率揮羽以馳書謀士或多
殆跣足而進計六羸潛遁万旅凱还天子以兩河之
間綿及塞下師之所止固荆棘之將生戈比不登念瘡
痍之未起命公為何北河西宣副使黼惟飲餞貂璫
申諭蕃庶之錫莫匪珍竒仍以禁卒万人俾為衛從郡
邑相望凡數千里官司肅給車騎甚盛鳴笳清路百姓
爭以縱觀持節勞軍諸侯不敢仰視問閭里之疾苦宣朝
廷之恩德幼艾胥悅至于涕零離去鄉里之眈得室家
而競入跳梁山谷之盜投弓矢而求哀乃至羌戎遺種
城郭諸國聞公之至騷噪競臻迎拜馬前或言吾父
申嚴邊堠震疊天声復命未朝礼貌尤異明年三月以
本官同中書門下平章事充集天殿大學士內則弥綸
百度外則鎮撫四夷志勤勞于邦家德光明于上下若
石之瞻斯屬鼎飪之味惟和直勢高之易傾將功成而
當去修高宗廟諱貸田之詐頗致飯煤之猜匪圖辨明深自
劾責以戶部侍郎罷政事踰年出知永興軍府事未
幾就復兵部高奴之壞保界一隅控大宛善馬之來為
天下勁兵之處屬羌酋之慕化因疆吏以傳言輟我元

臣綏茲異黨命知延州兼兵馬都部署公作事謹始開
心見誠納其懷徠許之即叙行險徼倖固無爾從蓄疑
敗謀遠足自棄坎軼之言惟信庭旅之貢甚勤戎索沈
寧軍政增肅俄而陰山之虜盛秋南牧皇赫斯怒盱食
罷朝王于出兵宿食在野專以西事委之于公密許從
子便宜諸侯皆聽其節度調發次補不俟奏可 公再
拜奉詔未嘗漏露外禦侮西有素生鎮俗以同常百郡
幾乎不知四鄙終之無警 公之定大事得大体率此
類也可勝言或知河南府兼西京留守司屬圖建封被
台歸覲六危時近以 公東京留守司日幾千里之廣
居鎬萬戶之嚴政務簡稀令行禁止善而無迹天下稱

之禮畢遷尚書右丞俄兼秘書監局禁凝嚴盛開元之
制度英髦雜集主東壁之文章 天子以下武應期嚮
季篤化來金華侍講之舊躬石渠稱制之勤而 公兩
朝柄臣 上所尊禮思近者德樂聞詔言即以為工部
尚書入政殿大季士屬有事于汾睢再命叔東京留守
司禮成拜刑部尚書夏以本官同中書門下平章事集
英殿大季士 公本以平素于顯胥契神靈之運遂踐
承弼之地嘗罹疑似之謗厥位惟危深思遲暮之年大
福不再而枚卜斯文輿誦益歸簡在上帝之心泉為
蒼生而起 真祖下暨渥澤其零加拜中書侍郎誰毫
修祀加開府儀同三司七年夏兼樞密院明年之

詔權涖馳道震方潛危田館自飈馭之昭格植殊庭而
嚴奉總斯重事屬于台衡以公為景靈宮使儀工畢
進位兵部尚書感電之區考室底續命公為兗州景
靈宮慶成使奉冊推尊改元肆肯典禮蔚縉瑞應紛
綸授吏部尚書天子雄藝祖慶誕之方寔在洛宅擬
漢家頌成之廟崇建仁祠儼作繪之威神奉將行之儀
衛以公為西京應天禪院太祖聖容奉安禮儀使
亦既復命刻奏避位援禮經之將及奉恩詔之勿俞
至于再三終不得請天子以公耆明之德宜師長
于百寮乃拜為右僕射康濟之術久緝熙于皇極命兼
門下侍郎鴻儒之才能就成于大典俾之監修國史宥

進之數率有加焉頌待之恩卒無与对天禧二年充玉
清昭應宮使首冠四輔奉承万樞恰于友僚恢張法度
之政惠此黎獻躋致仁壽之域啟乃之論甚精毗予之
託斯重終以衰疾晚以退休疊貢由衷願從还政而命
切至屢勉視事三年重陽節有詔近位盛集禁園公
伸主礼以尽欢逮暮景而罷會趨駕還第言笑自若暴
中風眩初若昏醒俄頃有瘳拜伏犹若中使交道五返
以宣言太醫盈門十全而責效會就陽有日公勿克
侍祠礼成進位左僕射如昭文館大孝士聞命益惧削
牘固辭詔以客礼交修謀猷有素苟守小遜則非朝廷
寵重宗臣下以身殉國之意宜即祇受無復重煩

公不獲面陳但望闕頓首唐申弔旦疾勢驟加湯劑並
臻繼以鍼砭泣對傳詔手自封囊願達忠議乞罷重任
非敢愛死寔恐辱國 絲言存降皆不垂允臨軒軫慮
形于顏色暮春三月風景恬和少覺体佳頗恋有思因
召門下士授席圍碁啜茗閑話及夕而罷比至中夜疾
不可起及明日已外以不起聞享年七十有二
上即時就臨哭為慟再賜白金五千兩輟視朝三日冊
贈太尉中書令命入內省太常丞直在圖閣馮元揖大
鴻臚持節戒喪 上又臨次發哀群臣奉慰自小斂至
掩壙丙司賓凡三至其第奉常考行謚曰文簡追錄嗣
子遂及諸孫傍建姻戚之家下周給使之列即其年六

月甲申有司具鹵簿鼓吹葬我 公于開封府縣汴陽
鄉豐臺里投先曹公之塋也 公階崇三司爵冠五等
封啟萬室号登八字徽冠之數曷以加焉初娶安定梁
氏封本縣君再娶張氏封南郡夫人又娶廣平朱氏故
旣遜使延昭之女封初國夫人後娶太原王氏故忠武
軍節度使同平章事追封秦王審琦之女並夙承宮教
克著壺儀輔佐宣勞奄忽流歎五子長曰傳正次曰傳
亮並殿中丞傳正賜緋魚袋次曰傳式次曰傳師次曰
傳範並大理寺丞三女長適金部員外郎李直方次適
如京副使王希範次在室孫十人長大理寺丞賜緋魚
袋繹次大理寺丞絳次衛尉寺丞紳約綜次大理寺丞

締西頭供奉官純次大理寺評事緩綸維孫女八人曾
孫四人並幼 公風度凝正識局淵深簡言易從守之
以信莊色雅犯即之也溫不伐而功益高有容而德乃
大由布衣而作丞相自委質而至歸全出處不離于今
色也夷不失于正道曠貴全盛凡四十年享用福履大
臣莫二始令君罷符離邑宰丁許公之憂生計屢空僦
居輦下惟公一子膏無近親偶得鮮原以營真宅俄
有隱者過而竊嘆謂其後嗣當至公台豈英袞之崇已
高天之默定而音鳥之兆亦吉地之冥符釋褐臨州最
号唯治刑清訟息吉人宜之亟升表著之班迭居要劇
之務享衢有漸淑問攸歸磅礴外邦遵毓重器執庭中

之法見君子用心慕委珠之名抗章 辭設論入鎮東酌
泉之節罷郡無裳寔之資家侍威嚴陪于前馬贊領樞
務責之坐籌屬戎埃之尚炭講兵鈴之至衆朝奏暮出
靡有間時夜思晨行是稱尽力雅善敷納言必詣理方
書簡冊進讀如流已事而還 上為目送或問溫樹更
荅他言每下殿門更有常處山川曲折之狀畫地可成
邊防緩急之機傳檄乃定際于隆洽預茲弼諧百志惟
熙一德匪懈深惟朝家之大策親贊帝者之上儀昔黃
霸長于治民及為丞相風采不及于魏功名益損惟
公外守方面流豈弟之声內秉紀綱茂經綸之業謝公
有廊廟之量而不閑時略惟 公長轡遠馭帷握而決

勝輕裘緩帶談笑以臨戎周勃之謹厚可屬而推撲少
文惟公言成典謨季該諳略常以經義而進退好見
故事而奉行薛宣之足以謀王体斷國論而煩醉不稱
矣惟公持重有成醇大成裕公府未嘗按史卿大夫
各使任其職公孫脫粟一肉寔客仰給衣食而性忌害
外寬內深惟公致位三事故舊不遺賦祿万鍾自奉
甚薄推轂荐士常若不及虚心待物豁然無疑張安世
匿名迹遠權勢而父子封侯在位太盛家童七百皆有
手杖以殖其貨惟公子十有餘人在公之時無一
釐務者祿賜之入犹畏盛滿躬以清德下化成傑然
真王佐之材所以成天下之務前後屢奉

詔撰宗廟尊謚及皇帝徽号冊文斯大手筆事与穹
壤相契矣自餘論著体大思精遺藁僅存成十五卷齋
閣岑寂挾策覘書教步以来手抄唐史攷讎校朱墨
洞分感疾之前甫尔終秩筆法道勁自成一家檢飭閨
門數誨子姪日炭与敬極乎義方鄧訓在家未嘗賜席
石慶八里不敢乘車念肯高宗廟諱之為難諒餘慶之斯在
前戈属疾涉于累自編召家人條約後事裁置寿木寓
置增坊及此奄然終制已具達人大觀其若是欤惟其
未报主恩不去相位垂緒言而在耳齋永恨以八冥若
乃務徑大猷克庸祇德有庇人之惠包世之量茲所謂
岩廊肅哲之老社稷表幹之臣者也其一話一言大功

大行固已歲之王府載于國冊而諸孤等履霜露而永
感仰風烈之如存願紀豐碑以表幽隧爰奉
俞詔屬于下臣慙匪當仁庶于傳信其銘曰

天之氣清

地之德寧

太昂儲粹

維高降灵

訢合嘉運

公之生兮

舜咨于牧

湯選于眾

出畋怡卜

求野肖夢

發舒盛業

公之用兮

懿行嘉言

休勛美利

文致太平

武戡守備

知無不為

事二帝兮

七政以齊

五刑幾措

丹青神化

金玉王度

時惟老成

居元輔兮

其靜也崑

其動也直

保茲一人

建皇極兮

剛亦不如

柔亦不吐

式是百辟

導公路兮

陟路嚴廟

助和鼎鼐

如其天下

想風采兮

屹若密山

湛如止水

終之宰相

自有体兮

池鳳方集

陳駒靡苗

奄忽厚夜

生若浮兮

行將賜九

不獲歸印

凜然餘風

沒犹振兮

容車秘器

哀服密章

送徃無还

孝心傷兮

德音孔遐

緒言如在

翼傳子孫

令族大兮

梁臺南峙

浚波東走

真宅言歸

名不朽兮

國典禁樵

都人墮泪

穹石攸刊

辭無媿兮

文正李公魏國太夫人符氏墓誌

李文正諱昉字明遠深州人

朝奉即行右正言直集賢院同修

起居注輕車都尉賜緋魚袋祖士衡撰

士衡先娶礼部尚書李宗誦字大辯之

女所以知夫人符氏之詳

天禧二年歲在壬午閏四月癸卯故相國文正李公夫
人考終于京師崇慶里春秋六十有七

天子以其輔佐君子之勞幹理家政之德朝宮庭者踰

于三紀啟國封者歷于五邦叔問柔儀為命婦之表自
屬續以俟主專道而行內司賓凡三至其第聘禮之禮
率有加焉存歿之恩斯為至矣 夫人姓符氏其先武
都人後徙真定占籍治產遂為北門之望族高魯而下
皆隱德藏器用晦居貞作善降祥自他有耀故殿中諱
嗣隴西李氏考妣也故吏部郎中賜紫金魚袋宗訥太
子右贊善大夫賜緋魚袋宗誨翰林季士王清昭應宮
副使右諫議大夫知制誥宗諤朝奉大夫國子博士宗
諒予也適宮苑使合州刺史帶御器械曹珣次早亡女
也故國子四門助教昭逸今太子中舍賜緋魚袋昭迪
大理評事昭迴故大理評事充宣化軍使昭適今大理
評事昭遜太常寺奉禮郎昭邁太常寺太祝刑部詳覆
官昭述三班借職昭運太常寺奉禮郎昭邁進士昭道
秘書省校書郎昭邈太常寺奉禮郎昭適二未仕昭選
昭逢孫也彭城劉湛光祿寺丞潘承右西上閣門副使
曹儀右正言直集賢院周修起居注祖士衡衛尉寺丞
錢延年孫壻也一在室而止三尚幼孫女也秘書省校
書郎元卿次仲卿季卿耀卿真卿克卿舜卿正卿升卿
晉卿曾孫也九並幼曾孫女也 夫人和順在躬迷開
成德始在孩稚天資不群沉靜寡言未嘗嬉戲因心則
孝宗族稱之逮于成人蔚為女士居玩圖史動守歲誨
母氏鍾愛擇對未行以燕婉之見求輒連蹇而不克時

有識者知其貴徵年二十六矣文正公任翰林李士承
旨工部尚書始納采焉公先夫人即夫人之從祖伯姊
也二姓好合永資繼室之矣百兩御歸適恰宜家之美
一命受封武都郡夫人明年文正公入躋秘殿乃贊中
樞暮月之間正位宰府夫人時䟽封于曹國儷我碩德
嬪于清門朝夕執勤幸成于闡範爰時稱度遂冠于內
朝而既富能裁在貴思降寬裕謙約慈惠柔明比宗親
待娣姪則以已下之潔粢盛澄酒醴則以身先之衣不
同施言無出閫五服之戚中外寔繁憧之往來盈門交
道親疎有序榮悴不移家用益肥人以潛化為締為綌
見功行之勤如山如河知服位之盛每休澣宣集子婦

佐饌兒童捧觴夫人親奉案以致恭儼如賓而相待故
當世言家法者稱李氏焉洎文正公曳杖晨歌夫人帷
堂昼哭哀有餘而尽礼居無慮以勉喪既而整飾閨庭
率勵宗党門內之治不肅而成今上嗣統封許國太
夫人始從子也自尔國家再欽崇於陽位肇秘玉于天
封臨頌之祥荐膺于神貺顯揚之澤用旌于母儀由是
進改陳魯衛國号焉于時愛子令孫懿親近屬或代言
王署迹藉金閨納駟之第通衢附貂之冠充幄垂青袞
紫濟：說：諸婦在旁莫非甲族粉澤之鈿並列環珮
之声相聞夏清冬温克伸于孝恭出告反面匪遠于慈
顏而自比部歸全翰林淪謝曾未數爰戴宣化之止慈

念而鍾君多感泣平生無疾未始晝卧今茲首夏常膳靡加涉乎自時遂至羸瘠雖勉進醫藥而微瞑不言恬然反真如熟寐者易箦之夕家老始告固已儲量人之財庀送終之具修約後事咸有素焉豈知命之靡常何達生之如是博士君与存孫昭迴等即以其年孟秋甲申号奉灵輅歸塋于河南府河南縣伊水鄉諸葛原与文正公同域而異壙合塋非古得吉兆以在茲其生若浮惟芳猷之不泯嗚呼夫人淑謹內積端厚外彰言無竒表斜音志在節儉賓祭之外靡事珍羞朝覲之餘不衣異絲賦性勤敏精力過人自始筭至內外婦逾四十年率鷄鳴而起盛服正容暑雨祈寒無一日少懈服勞攻

苦常夙夜而警戒問疾弔喪必先往而沒罷家有孤孺乃自鞠之推燥分甘無所不至聞人為善必欲成就其身名撫下有恩未嘗假借其顏色若乃居春秋小君之重得易象中饋之宜修內則之齊莊窺女史之說降來顯之能循度隱雷之功以義鍾夫人之禮郝夫人之法惟是數美無不兼之宜其式孝慈于六親享康寧于五福著爰君之家節播寿母之頌声方抱孫于高堂遽收神于太素蘭薰玉辟已嗣徽于昔人石泐金生當取信於來裔恭惟先考諫議文正公自出士衡無狀又為夫人諸孫之壻周知尊行欽奉緒言銜哀不文庶資寔錄

銘曰

其馨如蘭
終然允淑

比德如玉
出令族兮

長守富貴

能循法度

居中有助

嬪矣輔兮

表率命婦

肅之雖之

元服盛容

啟國封兮

言惟婉柔

性本冲澹

國史是鑒

成閭範兮

生若夢幻

疾在膏肓

復命曰常

壽不減兮

疑尚如存

求則不得

孝心惻

思罔極兮

東望我夫

北望吾子

卜塋于此

掩蒿里兮

刻辭介石

追美重泉

茲無媿言

表松阡兮

洛陽九老祖龍學文集卷第十五

洛陽九老祖龍學文集卷第十六

家集

提刑始末

朝奉大夫提点福建路刑獄公事兼本路觀農使提舉河渠公事在國賜紫金魚袋祖無頗贈宣奉大夫

公諱無頗字夷甫喜讀書不事他好刻意为詩賦年十一用父府君蔭補官試于京師其文中有司衡尺授河南府永安縣尉到官一年用凡無擇為廣東轉運使過嶺思例奏乞家便授江陵府法曹移廣安軍渠江縣令以庶幹称改天正軍節度推官知福州寧德縣簿書民

事之暇讀書溫習寢食不釋卷会是年奉進士鏤試中
格迴改大理寺丞荆門軍簽判數月移知化州治平四
年轉太子中舍又轉殿中尋監在京布帛轉國子博士
通判登州時熙寧初役法行為管幹官轉虞都員外內
通判婺州再治吳興郡元豐三年官制行換朝奉即復
轉朝散郎為九江守有治狀為朝廷所知俄被召
叔開封府推官三院獄空開封尹王存上表稱賀賜
公獎諭銀絹修京城用夫役十餘萬人為專一都大提
奉官元豐六年閏六月十三日公上殿奏修城事稱
旨賜金紫謝恩當殿而拜河決陽武會虜使亟至
命公疊治道路無舛浸之患特減年磨勘改朝請即

除駕部郎中自陝西罷牧馬監其廢弛多為民所苦
公奏請官根括皆如公所請復賜帛元豐八年公
上疏為亡兄無擇安葬事乞補外任遂知潁州轉朝奉
大夫移知邢州乞將合轉官永不改贈父止乞改贈兄
官所請不行而竟不下磨勘就移提点利州路刑獄未
通年以西京蔡州族屬口夥食貧乞官現以便撫恤授
提奉西京嵩山崇福宮因尽散所有以給不足公居
蔡日以松楸為事終官現任不離墳側芝又生于墳者
數本蔡人異之以為孝德所感秦觀紀述其事獎功風
俗尋授提点福建路刑獄諸州新案有宜輕而誤重應
出而誤入皆原情糾正不動州縣情輕者以減無辜者

獲免屢司邦憲未嘗起獄以沽時譽大抵明敏尤長于
吏事其持已也嚴其治人也恕見于行雖不為驚俗可
喜之事人皆知其中寔而不華行於政雖不為振衆可
惧之法入皆知其公正而不倚自福建歸元祐八年正
月二十日感疾卒于杭州餘杭之江亭享年六十有五
故死之日無不歎息皆曰天奪吾善良其子球禮等扶
護歸于蔡紹聖三年正月六日葬逆先塋也初府君常
以蔡州土厚水深可以為他日歸息之宅乃囑其子吾
死當出祖于蔡及沒至自鳳州公与兄無擇能奉父
之遺訓寔元二年冬十一月歸葬于汝陽縣西十里岡
定居蔡州自此始也公有子七人長曰琚次曰球禮

過房在 尤季位曰琬曰德孫曰德恭曰復曰德彰皆
齒仕版女二人長適奉議郎前知蘓州長洲縣李程次
適承議郎尚書司勳員外郎陳并孫見女二十人逐位
仕官南北昨經兵革之後惟有恭位衍于紹興辛巳歲
自蔡州歸正近已見之德恭叔祖也終于朝議大夫知
賓州賜紫金魚袋紹興間卒葬于川中富順監蔭補子
孫官四人今在荆南府清溪居

祖氏先塋芝草記

秦現字少游撰少游時為蔡州教官

大夫祖公無頗自西蜀使者得請以崇福祠宮燕居于
蔡將送

朝謂高郵秦人曰祖氏本幽州之范陽晉將軍逖寔我
遠祖其後稍徙深州至道間始來居蔡今汝陽縣陽安
鄉十里岡之源則我先府君之墓也元豐初有芝數十
本產于堂中其後歲有之迨今不絕夫豈一氣之運
偶然感發莫詰其所以然耶抑天時人事之際或有以
致之也子其為我記之觀曰草之有芝猶鳥之有鳳獸
之有麟從古相傳以為瑞物今乃生于先堂之中者
殆汝南和氣之應祖氏方大之祥其非偶然決也何以
明之汝南在漢為佳郡陳蕃黃憲二許諸袁之徒寔皆
郡人俗尚風節輕勢利士不守道則妻妾恥之故天下
号汝南為名士之區迨唐之世始建章義節度屯宿重

兵而李希烈吳元濟秦宗叔之屬盜有其地王澤不流
民眊無知父以弄兵詔子兄以殺人誨弟故天下号淮
西為盜之藪 皇朝受命定都大梁蔡去京師七驛遂
為輔郡百餘年間良二千石接武而至與李校修貢奔
以宣布教化而盛德尊行魁竒俊偉之才相繼出焉蓋
唐之舊俗寢而漢之遺風復起當此之時祖氏一門
顯者數人府君之仲弟士衡掌誥掖垣子無擇通籍內
閣大夫踐更中外為省名即作時膚使行且登用諸子
森然多有植立其慶未艾也由是言之芝為汝南和氣
之應祖氏方大之祥豈不信然昔新豐氏李與庠于父
之墓左有紫芝白芝二本生于庠上柳宗元以為孝治

神化陰中其心克致斯事矧今芝出于股肱之郡侍從之家也哉宜得一時文季之士比物屬辭歸美于上度為樂歌荐之郊廟廟追配元封齊房之篇現也何足以與於此姑承大夫之命論次其事以備作者採擇而已元祐八年四月吉記至道年号是朝太宗末耳

勅書一十三件

勅祖無頗省所進奉賀尊

太皇太后

皇太后

皇太妃絹共一千三百匹事具悉朕嗣膺

景命祇奉

慈闈眷言共服之良來效貢珍之慶願惟忠荃深所歎嘉故茲示諭想宜知悉秋涼汝比好否遺書指不多及

二十一日

勅

二

勅祖無頗省所進奉賀

登位銀三百兩事具悉汝早分邦寄具帥朝彝肆于涖祚之初爰有旅廷之貢載循順節曁弭袞懷故茲示諭想宜知悉秋熱汝比好否遺書指不多及

十一日

勅

三

勅祖無頗省叔知開封府王存上來稱賀三院獄空事
開封典治畿甸稱為浩穰獄刑之蓄其徠旧矣汝恰心
帥戢囹圄空虛載惟公勤良以褒尚今賜汝銀三十兩
絹三十疋至可領也故茲獎諭想宜知悉

十七日

勅

四

勅祖無頗朕總擘政綱力求民隱蠢茲多辟各在一人
厲當暑令之行尤念囚累之苦汝出分憂寄宣布化條

宜体朕之哀矜以効天之長育益思明謹無使苛苗
勅書列日汝可速指揮渥飾洒掃獄房常須淨潔每五
日一度差人就獄內監逐人力刷湯枷杻及逐日供給
水漿無罪人內如有疾病者三便差人看承醫療其委
無骨肉者支與喫食有人供送茶飯者亦須畫時轉送
不得邀難減尅無使罪人或至飢渴所有合歸法者候
處斷之時給与酒食如小可罪犯便須逐旋決遣若是
大段刑禁事關人命亦須尽理速行勘折不得淹延致
有冤枉仍散下管內汝宜常切提奉無令曠慢及候依
此逐件施行訖聞奏故茲示諭想宜知悉夏熱汝比好
否遣書指不多及

二十七

勅

五

勅祖無頗朕臨御綿區輯和兆姓式屆長贏之序爰矜庶獄之艱申勅攸司載懷欽恤汝或當寄任身奉詔條宜察滯留益加明謹勅書到日汝可速指揮渥飾洒掃獄房常須淨潔每五日一度差人就獄內監逐人力刷湯枷杻及逐日供給水漿無罪人內如有疾病者立便差人看承醫療其無人供食者官造給之有人供送茶飯者亦須晝時轉送不得邀難減尅無使罪人或至飢渴所有合歸法者候處斷之時給与酒食如小可罪犯

便須逐旋決遣若是大段刑禁事關人命亦須尽理速行勘斷不得淹延致有冤枉仍散下管內汝宜常切提舉無令曠慢及候依此逐件施行訖聞奏餘依條制故茲示諭想宜知悉夏熱汝比好否遣書指不多及

二十七日

勅

六

勅祖無頗省所進奉

與危節功德疏一軸事具悉禮光舍祥誕辰屬慶嘉忠之体固存方壽之对

天勝集妙緣誼刑善祝精誠弥励欣歎良多故茲示諭

想宜知悉春暄汝比好否遣書指不多及

九

勅

七

勅祖無頗覽所進奉

坤成節功德疏一軸事具悉節紀誕辰慶均率土集貢
乘之妙教演宝梵之洪音式將臣子之誠同罄人天之
祝眷惟忠恪良用歎嘉故茲示諭想宜知悉秋涼汝比
好否遣書指不多及

二十六日

勅

勅祖無頗省所進奉

坤成節功德疏一軸銀軸頭事具悉秋籥方更金行協
應屬

慈之盛德紀弥月之嘉辰恭結勝緣祝延寿祉載惟
勤至良厚褒稱故茲示諭想宜知悉春暄汝比好否遣
書指不多及

二十二日

勅

九

勅祖無頗覽所進奉

坤成節功德疏一軸事具悉節屬誕彌慶均中外集三
乘之妙教祈百順之休祥眷若忠誠良深嘉嘆故茲示
諭想宜知悉秋冷汝比好若遣書指不多及

二十六日

勅

十

勅祖無煩朕惟教導之不萬俾無知之民橫罹罪罟方
夏繁溽累繫狴牢朕甚憫之汝砥節首公出分憂寄宜
務矜哀勿令慘澹以時視獄副茲欽卹之懷勅書到日
汝可速指揮渥飾洒掃獄房常須淨潔每五日一度差
人就獄內益逐人力刷湯枷杻及逐日供給水漿兼罪

人內如有疾病者立便差人看承醫療其委無骨月者
支與喫食有人供送茶飯者亦須晝時轉送不得邀難
減尅無使罪人或至飢渴所有合歸法者候處斷之時
給與酒食如小可罪犯便須逐旋決遣若是大段刑禁
事關人命亦須尽理速行勘斷不得淹延致有冤枉仍
散下管內汝宜常切提率無令曠慢及候依此逐件施
行訖聞奏故示諭想宜知悉夏熱汝比好否遣書指不
多及

一日

勅

十一

勅祖無頗代

天牧民欽哉惟刑之恤司改典獄罔不惟德之勤官申
飾于邦常以奉承于夏令万方有罪孰非朕志之哀矜
一夫向隅豈助物生之茂豫肆吾孚号戒尔在官事無
變于明清心必存于忠恕惟察惟法勿替朕言勅書到
日汝可速指揮渥飾洒掃獄房常須淨潔每五日一度
差人就獄內監逐人力刷湯枷杻及逐日供給水漿兼
罪人內如有疾病者三便差人看承醫療其委無骨月
者支与喫食有人供送茶飯者亦須晝時轉送不得迂
難減尅無使罪人或至飢渴所有合歸法者候處斷之
時給与酒食如小可罪犯便須逐旋次遣若是大段刑
禁事關人命亦須尽理速行勘斷不得淹延致有冤枉
仍散下管內汝宜常切提拏無令曠慢及候依此逐件
施行訖聞奏餘依條制故茲示諭想宜知悉夏熱汝比
好否遣書指不多及

十五日

勅

十二

勅祖無頗朕若古御圖本

天布化永念編氓之衆靡勝罹罪之蕃屬炎鬱之正與
在係累之良若將導盛陽之德尚虞庶獄之苛稽用旧
章特須矜詔勅書到日汝可速指揮渥飾洒掃獄房常

須淨潔每五日一度差人就獄內監逐人力刷湯枷杻及逐日供給水漿無罪人內如有疾病者立便差人看承醫療其委無骨月者支與喫食有人供送茶飯者亦須晝時轉送不得邀難減尅無使罪人或至飢渴所有合歸法者候處斬之時給與酒食如小可罪犯便須逐旋決遣若是大段刑禁事關人命亦須盡理速行勘斷不得淹延致有冤枉散下管內汝宜常切提奉無令曠慢及候依此逐件施行訖聞奏故茲示諭想宜悉知夏熱汝比好否遣書指不多及

勅

二十四日

十三

勅獄者人命之至重也故刑罰不中則民無所措手足方盛夏長養之時有司其蠲煩獄出輕繫以奉順天氣夫以苛為察以利為明豈勝朕所以哀矜之意哉勅書到日汝可速指揮渥飾洒掃獄房常須淨潔每五日一度差人就獄內監逐人力刷湯枷杻及逐日供給水漿燕罪人內如有疾病者立便差人看承醫療其委無骨肉者友與喫食有人供送茶飯者亦須晝時轉送不得邀難減尅無使罪人或至飢渴所有合歸法者候處斬之時給與酒食如小可罪犯便須逐旋決遣若是大段刑禁事關人命亦須盡理_速行勘斷不得淹延致有冤

在仍散下管内汝宜常功提率無令曠慢及候依此逐
件施行訖聞奏故茲示諭想宜知悉夏熱汝比好不遣
書指不多及

二十八日

勅

跋韓熙載夜宴圖

南唐中書侍郎韓公熙載後主時知國祚將廢放懷盃
酒間以自汙後主欲用為相而聞縱逸不檢每伺其家
宴令僮工顧弘中丹青以進其卷首即與公門生朱鉞
紫微印繁狀元及教坊副使李嘉明并其妹按胡琴又
公自擊鼓妓王屋山舞六么王屋山俊慧非常公最怜

每醉須樂聒之乃醒幼令二婢出家号凝酥素填後主
復信小人之譖遂黜公以左庶子分司南京受命日尽
逐群婢單車即路後主怜之苗為尚書不數日群婢復
集飲逸愈甚後主嘆曰孤不得熙載為相矣既而薨于
私第後主泣之慟贈平章事謚日文元豐己未孟夏二
十日洛陽祖無頗題

提刑第五子諱德恭字肅之乃德安府落鴈朱
少師之孫壻也頃于宣政間待普州太守闕挈
家寓居安陸縣城北普光寺中与張金紫之孫
字宣卿者為親契因出壻賦挽詩今附之于
末云

德恭伏承

致政安鄉承事出塋有期不勝感愴輒成挽詞
三首以道追往之意范陽祖德恭上

一
幸養人誰及清修少比倫旋聞丹施具俄見軸車存空
歎音塵遠犹思燕席温安然向窀穸感涕一銷魂

二
清白傳家旧天鍾間世才大椿宜更寿喬木遽先摧
難止交情泪空遺室燭灰幽墟歸塋處慘暮雲堆

三
重歎張夫子神襟遽勿寧摧山傾嶽笑萎哲奄椿齡舊

室惟圖像新阡但刻銘何堪聽歌挽埋玉在幽垆

尚

洛陽九老祖龍學文集卷第十六

龍學集

卷十六

十三

洛陽九老祖龍季文集并源流始末

祖氏源流

上世出州祖于范陽為著姓涿州三縣范陽固安新城其後稍徙深州而因家安平縣九數世出州南一百二十里至涿州南又一百二十里至深州倚安平日逮至

皇朝曰諱仲宣仲雋者隨李丞相自深而遷汴故相文正李公昉之壻則仲宣是也仲宣仕為都官生侍郎諱岳貫開封府開封縣清河坊戶至道間始來寓居蔡州仲雋遭際

太祖拔擢為右補闕廣南西路轉運使与其子諱杞回居許州杞以宿骨為仙侍郎有四子伯曰士良無祿早

世仲曰士安登天禧三年進士科終銀青光祿大夫季
曰士胤用弟士衡蔭補官終大中大夫曰士衡狀元及
弟終知
制誥

龍季始末

公諱無擇字擇之蔡州人祖尚書吏部侍郎諱岳父
銀青光祿大夫諱士安公室元一年進士第三人及第
授承奉郎通判齊州年餘口試充直史館次知南康
軍海州遷秘書丞廣南東路徙荆湖北路皆為提點刑
獄加太常博士直集美院改廣東轉運使時廣源州蠻
入寇陷嶺外數州公提兵勦逐未幾移興袁州自慶

曆 詔天下立季十年間徒為文具無命教之寔

公下車首建季宮置生師郡國弦誦之風由此始盛

召除同修起居注時封孔子四十七代孫宗愿為文宣

公言前代所封在漢魏曰宗聖在晉宋曰奉聖後

魏曰藻聖北齊曰恭聖唐初曰褒聖開元中尊孔子為

文宣王遂封其後為文宣公是以祖謚而加後嗣非禮

也於是下近臣議改為衍聖公尋奉使契丹回數月出

知陝府及湖北轉運使入為中書舍人兼宗正寺修

玉牒官判太府寺嘉祐六年富相奏奪天下遺材

詔從時王拱辰尹洛薦邵雍仁宗命公行詞次後

公與宰相吳充復薦之嘉祐八年假右諫議大夫充

英宗即位契丹皇太后國信使還見對以

御書御篆 四朝宝字賜之 仁宗虞生至自山陵

英宗迎至集英殿 公與諫官司馬君寔奏請親虞下

禮院詳議以聞治平元年獻皇極歲司馬君寔獻戰國

通志並賜 詔獎之二年糾察在京刑獄遷左諫議大

夫加左園閣直學士 叔知開封府七月進左園閣學士

知開封府其後出知鄭杭二州 神宗召知通進銀臺

司初詞臣作 誥命許受潤筆物王安石與 公同知

制誥 公為先進安石辭一家所饋以其物置舍人院

梁上安石憂去 公性端毅以安石沽矯虛名取為公

用安石聞而怒之後安石出使江東多招士謗 公作

書馳報可謂忠言安石答書其言怒益甚至是安石當

國密諭監司求 公守杭之事監司承風昔採以妄言

聞于 朝廷乃遣御史王子韶按治終無所得子韶知

安石意誣以送賓客酒三百小瓶蘓頌鄭獬御史張戩

等皆上疏力言其不可是時 公年六十不幸值安石

當政司馬君寔堅辭求出 公慨然乞分司提舉西京

御史臺與文潞公富韓公司馬溫公數君子為真率會

洛中謂之九老 公分司十餘載 神宗嚴薄安石出

于外元豐六年復起 公典藩賜玉帶方大用 公卒

矣時元豐八年正月十五日士論惜之 公為人好義

篤于師友少從孫復季經術從穆修為古文兩人死力

求其遺本彙次之傳于世以言語政事為時名臣槩見
于史冊公平生所作文甚多自兩往兵革之後家藏
并收拾止得十之二三今集為十卷名曰煥斗集蓋取
公出知陝府日歐陽永叔餞行詩有曰西州政事諳風
謠右掖文章煥星斗故也又有名臣賢士詩与文兩卷
附之公之叔祖諱邕為神仙叔士衡為狀元紫微第
諱無頗為福建路提刑亦有傳記勅書与文其姪惟有
資州太守諱德恭者詩三首又作四卷亦附之公之
妻叅政王奉正長女連袂梅堯臣韓繹李復圭范子開
紹熙三年九月吉日曾孫承直即特派差袁州軍事判
官仍釐務范陽祖衍頓首再拜謹題



